

L6n  
✓ b83

19 99

ՀԱՅԱՍՏԱՆԻ ԹԱԴՐՈՒԳԱԿԱՆ

Ե

ՀԱՅԱՍՏԱՆԻ

ԹՇՈՒԱՅՆԵՐԱՐ



ԳՐԵՑ

ՄԱՐՏԻ Թ. ԹԻՒԹԻՒՆՑԻՑ

ՎԻՐԱՊԻՑ Ի ԲՈՒԺՈՒՄ



ՄԱՐԱԼ

ՀԱՅԵՐԵՆ ՏՊԱՐԱՆ Մ. ՓՈՐԹՈՒԳԱԼԵԱՆԻ

Marseille. — Imp. du Midi, rue Vacon, 50.

1889

1862.

## ՅԱՌԱՋԱԲԱՆ

Առ սիրելի ընթերցողաւ.

Ներկայ ժամանակակից վէպիկս թէ-  
պէտեւ ձշմարիտ գէպքեր կը պարունակէ ,  
այսու ամենայնիւ , ինչպէս օր հեղինակ  
մը կստիպուի ընել , յարմար տեղերն ա-  
ւելադրութիւնք չեն զւացաւած : Հա-  
յաստանի թշուառները» ըսի , որովհետեւ  
Հայաստանցւոց թշուառն թեան մէկ անձ  
մասը կը ծնի սպանդիստու և անդ Ա. պահ-  
դիստութեան մէջ մաշունու անդադար  
Հայաստանցւոց զգացումներն , հետզե-  
տէ անընդունակ կը դառնան նոքա զգա-  
լու այլ եւս ո՛չ երեխայի ժպիտը և ո՛չ  
կնոջ արտասուբը . Հայագտանցի երիտա-  
սարդը գեռ իւր առաջին մեզրամիսը ըը  
լրացուցած , կը թողու իւր նոր հարսն  
անոէր և անմիմիթար և ինք կը հեռանայ  
օտար աշխարհ : Խեղճ կինը կոպասէ ա-  
մուսնոյն . կանցնին տարիներ , 5-10-15 .  
նա դեռ կոպասէ : Վերջապէս օր մը ա-  
նուզլակի կերպիւ նրա մահուան լուրը  
կը լսէ . թշուառ կինը արցունք թափելով

9683-60

ՀՊ. 682

աչքերը նուագելէ յետոյ , մեռելներու կարգը կանցունէ իւր ամուսինը ու դարձեալ կսկսի ողբալ իւր վիճակը : Կանցնին երկար տարիներ և յանկարծ կը յայտնուի գծուծ , մաշուած , ալեւոր մի անձ . նա այն անձն է որոյ մահուան լուրը կինը . 8-10 տարի առաջ առնելէ յետոյ ամուսնացած էր ուրիշ մարդու մը հետ , ուրիշ գերդաստանի մը մայր եղած էր . մէկ խօսքով մոռացած էր զնու և իրբեւ օտար կը նայէր իւր ամուսնոյն . Այդ թշուառ ամուսինը կաղաչէ որ զինքը ընդունի դարձեալ . բայց խեղճ կնոջ միրաը կաշկանդեալ է այլ եւս այն անձի հետ որ ընտանեկան կեանք վարած է 8-10 տարիներ : Ահաւասիկ հայ ժողովրդի կեանքի սարսափելի թշուառութեանց հետեւանքներէ մին : Ուրիշ մ'ալ թողլով իւր մանկամարդ կինը , անմեղ երեխայները , կը հեռանայ հայրենի տունէն . Կայէնի նման կը թափառի աշխարհէ աշխարհ և երկրէ երկիր : Կանցնին տարիներ , նաբոլորովին կը մոռնայ իւր ընտանիքը . կը վարուի խղճի և ազնուութեան հակառակ , իւր երիտասարդ ծաղիկ հասակը կը թոռ-

մեցնէ անպատիւ կանանց հետ , նա իւր ձականին քրտամիրը վաստըկած դրամը կը վատնէ անազնիւ միջոցներով և եթէ օր մը դառնայ հայրենիք , նա կը վարձատրէ իւր անմեղ կինը ... այլ և այլ սարսափելի ախտերով . . . Այսպիսի մեր հայքենակիցներ կարող ես գտնել մեծ մասմբ Դանուբի ափանց վրայ ու ոմանական և պուլիարական քաղաքաց մէջ ուր ընտանեցած են օտար ազգերու հետ , բոլորովին մոռնալով իրենց տղնիւ ընտանիքը : Ես կը ճանչեմ տասնէ աւելի հայստանցի պանդուխտներ որոց մի քանիներն ընտանեաց և զաւակաց տէր են հայրենիքի մէջ ու այստեղ այլ կապրին անպատիւ տարփուհիներու հետ . չարտչար և վատութեամբ կը խարբեն հայրենիքի մէջ իրենց կիները թէ պիտի վերադառնան . խեղճերը կսպասեն , բայց աւազ որ կը խարուին . մինչեւ անգամ Հայստանի գերեզմանատուները զուրկ են երիտասարդներէ . ինչպէս որ ըսի , նոքա մեծ մասմբ կը մեռնին պանդխտութեան մէջ և կը թաղուին օտար երկիրներու հողին տակ : Եւ ի՞նչ է պատճառը նոցա

Դ

թշուառութեան . ահաւասիկ անուրանա-  
մի և ճշմարիտ ապացոյց մը : Նոքա հայ-  
րենի երկրին մէջ չեն կարող հայթայթել  
իրենց ապրուստը , անոր համար օտարու-  
թեան և պանդխառութեան մէջ կորոնեն ի-  
րենց բազդը . չեն գիտեր և ո՛չ մի արհեստ  
և չեն վարժուած աշխատիլ հայրենի  
երկրին մէջ , վասն զի աշխատութեանը  
արդիւնքը իրը չէ , Քուրդին բաժինն է .  
մէկ խօսքով՝ չեն գիտեր խարեբացու-  
թիւն անել . Յիրաւի ուչա՛փ քաղցր է աշ-  
խատութեան արդիւնքը հայրենի հողին  
վրայ . բայց զուրկ են այդ աշխատութե-  
նէ մեր հայերը : Գլխաւոր պատճառ մ'ալ  
անօրէն Քրիտաց հարստահարութիւններն  
և թուրք անիրաւ կառավարութեան ան-  
տարբերութիւնն են . Երկուքն ալ հաւա-  
ստրապէս պատճառ եղած են Հայաստան-  
ցոց պանդխառութեան և թշուառու-  
թեան և խոչընդուռ մեր ազգի զարդաց-  
ման և յառաջդիմութեան : Քանի որ ճըշ-  
մարտութիւն մ'է այս , ուրեմն երկնից  
արդարադատ բազուկն ալ , վրէժինդիր  
ճշմարտութեան , պիտի հարուածէ ան-  
շուշտ մի օր մեր այդ թշնամիներ :

Մնամ անձնանուէր  
Ազատութեան Ազգիս Հայոց  
Մկրտիջ Ս. Թիիթիինձիկֆ

## ՀԱՅԱՍՏԱՆԻ

## ԹՇՈՒԱՌՈՒԵՐԸ

Ա.

Ասկից 25 տարի առաջ , ապրիլ ամսոյ  
սկիզբները , փոթորկալից երեկոյ մը , Վա-  
նայ արեւելեան կողմը հայաբնակ Արջակ  
գիւղի Խորաշէն անուն թաղի անկիւնը աղ-  
քատիկ Խորձիթի մը մէջ երկու նորապահէ-  
ներ , այր և կին , գէմ առ գէմ պատու-  
հանը նստած երկնից կամարը կը գիտէին :  
Հողէ կանթեղ մը կը լուսաւորէր իրենց  
փոքրիկ սենեակը . իսկ գուրսը նորածին  
լուսինը ծածկուած էր նուրբ ամպերով  
և շողոզուն աստղերը չէին փայլէր եր-  
կընքի երեսը . մերթ ընդ մերթ խուլ ո-  
րոսմունքներէ յետոյ փայլակը կը լու-  
սաւորէր սենեակը : Ի՞նչ սարսափեկի քա-  
մի , ըստ Յովսէփի իւր կնո՞ւ : — Այո՛ ,  
սիրելիս , այս գիշերուան յանկարծ օդին  
գէշնակը վաղ առաւօտեան քու ընելիք  
ճամբորդութեանդ արդեկք ըլլալու հա-

մար է . կը տեսնես որ երկինք անդամ  
կը բողոքէ քեզի դէմ որ զիս այսպէս մի-  
այնակ պիտի թողուս և մեկնիս օտար  
աշխարհ , ավատասիանեց Երանիկ ցաւա-  
գին ժպիտով մը : — Ի՞նչ անենք . մեր  
ազգի անողորմ ճակատագիրը այս է .  
պէտք է որ երթամ՝ ապագայ պատրաս-  
տելու . այն Հայը որ պանդխտութիւն չա-  
ներ , չէ կարող կատարեալ մարդ դառ-  
նալ . այն Հայը որ տարիներով օտար եր-  
կրի վրայ չչէծեր անոք և անմիթար ,  
չէ կարող կոչուիլ Հայաստանցի հայ . ա՛ն ,  
սիրելիս , եթէ մենք մեր հողի վրայ կե-  
նանք , այս բոլոր դաշտերը պէտք է ամ-  
բողջապէս լորձիթներով լեցուին , պէտք  
է այսուեղեր նորանոր գիւղեր հիմնարկ-  
ուին . ահա այն ատեն Հայոց աշխարհը  
նահապետական ընտանիքներով պիտի  
լեցուի , ինչպէս որ ժամանակաւ . բայց . . . :  
Այսպէս ըսելով յանկարծ Երկու արցունք  
տեսնուեցաւ Յովսէփի աչերուն մէջ :

Յետոյ ողորմելի ձայնով յարեց Երա-  
նիկ . Ես իմ խոստանունքս կը կատարեմ ,  
դու անհոգ եղի՛ր , պանդխտութեանդ  
մէջ միշտ ղուարթ և երջանիկ եղի՛ր , ինչ-

պէս երջանիկ է երգասէր սոխակը . դու  
բարեսիրա ես ու զիս անմիխթար չես թո-  
ղուր . ա՛ն , իցիւ թէ դու մեկնելէդ վեր-  
ջը բոլոր օրերը գիշեր դառնային և ես  
երկնքի փայլվուն աստղերուն հետ միշտ  
լայի քու վիճակդ . ահա վաղութնէ սկսած  
սեւ սույ մէջ պիտի մտնեմ մինչեւ քու  
վերադարձդ : Հազիւ կարողացաւ նա այս  
խոսքերը աւարտել , իր սիրոյ առաջին ար-  
ցունքներն սկսան հոսել այտերն ի վար :  
Նոյն գիշերն երկու թշուառներն իրարու  
գիրկ արցունք թափելով , առաւօտեան  
արշալցյալ ծագելու մօտ անկողին մտան :  
Մի քանի ժամ՝ վերջը արեւուն կենսատու  
ձառագայթները սկսան խրձիթին կիսա-  
կործան պատուհաններին ներս թափան-  
ցել . Յովսէփի բացաւ իւր քնահատեալ ա-  
չերը , տեսաւ որ Երանիկ գլուխը երկու  
ձեռացը մէջ առած ջերմ արտասուրք կը  
թափէր իւր ամուսնոյն վրայ . նա բոլոր  
գիշերը իւր աչքերը չէր գոցած , կարօտը  
առնելու համար մինչեւ արշալցյս հսկած  
էր անոր վրայ , քանզի առաջին և վեր-  
ջին գիշերն էր : Խեղձին սիրու ովկիանո-  
սի մէջ ալեկոծեալ նաւակի նման տակ -

նուվրայ կը լինէր , իրեն համար միսիթարութիւն չկար , կը կարծէր թէ նրա մեկնելէ վերջն այլ եւս պիտի չտեսներ իւր ամուսնոյն դէմքք : Ահ , այդ արցունքներդ կայրեն հոգիս , բայտ Յովսէփ ։ ա'լ բաւական է , պէտք է երթամ , անկարելի է ինձ հոս կենալ . ի՞նչ անենք , մեր երկրի դարաւոր սովորութիւնն է այս . թո՛ղ անհծեալ լինի այն անձը որ զմեզ այսպիսի անտանելի թշուառութեան ենթարկելու պատճառ եղած է ժամանակաւ + մեր այս արցունքները երբէք ազդեցութիւն մը չունին մեր թշուառութիւնը փարատելու : Երբ Յովսէփ և Երանիկ զիրար կը միսիթարէին , յանկարծ սենեկին դուռը բացուեցաւ և երկու հոգի , մին 40 տարեկան կին մը և միւսը 45 տարեկան այր մը , դրանը սեմին մէջ երեւցան . նոքա Յովսէփի ծնողքն էին : Հայրը իմաց տուառ որ պատրաստուի վասն զի կարաւանը Արջակ հասած է և թէ երկու ժամէն ձամբաց պիտի ելնէ դէպի Վան : Երանիկ երբ լսեց այս խօսքերը , ինչպէս մահուան դատապարտեալ յանցաւոր մը դահձին առջեւ նստելու ատեն ներկայ

գտնուողներէն իր յանցանացը ներումն խնդրելու համար յուսահատական գէմքով կը նայի , նոյնպիսի ցաւադին նայուածք մը թողուց նա ալ Յովսէփի ծնողացը վրայ : Անշուշտ անոնցմէ օդնութիւն և յոյս կակնկալէր և ըսել կուզէր թէ մի' թողուք ամուսինս օտար աշխարհ երթալու , վասն զի թշուառ պիտի լինիմ ես . բայց զարմանալին այն էր որ ոչ ոք բան մը կը հասկնար Նրանիկի այդ խորհրդաւոր նայուածքէն . մայրը իւր դողդոջուն թեւոց մէջ գրկեց իր զաւակը և անընդհատ հեծկլուարվ հազիւ կրցաւ այս խօսքերը ըսել . Երթան բարով , Աստուած քու պաշտպանդ լինի , ձակատագիրդ ի՞նչ է չեմ գիտեր . աշխարհի վրայ մեր ամենէն մեծ երջանկութիւնը դու էիր . նայէ որ միշտ բարի և առաքինի ըլլաս , բնաւ մի' ըներ այնպիսի գործ մը որուն համար թէ՝ Աստուծոյ և թէ՝ ծնողացդ առջեւ ամօթով լինիս : Յովսէփ իւր վերջին ողջոյնը տալով , ձեռքը մի երկայն ցուպ բանած , աղքատ ուղեւորի պարկը ուսին կապած , արտասուալից աչերը սըրբելով , հեռացաւ Արջակէն : Մայրը վեր-

ջին անգամ նայեց իւր որդւոյն ետեւէն որպէս սգաւոր բարեկամներն ու տոհմայիններն կը նային գերեզման տարւող դագաղի մը ետեւէն : Իսկ Երանիկ աղքատիկ խրճիթին մէջ առանձնացած, նոյն օրը և բոլոր գիշերը սրտին յուզմունքէն անհանգիստ վիճակի մէջ արցունք կը թափէր . ահա այն օրէն սկսու տանջանքը, տաժանակիր կեանքը մաշել գնա :

## Բ

Յովսէփ իւր պանդխառութեան առաջին օրը ցնորեալի մը պէս անցուց . թափառական թշուառներու նման հետիոտն կը շարունակիր ձամբան կարաւանի ետեւէն . նրա հնամաշ հագուստը հազիւ կը ծածկէր մարմինը . գլուխը դրած ունէր մի Փէս որ հնութենէն իսկական դոյնը կորսնցուցած էր . նա յետին առտիճան աղքատ էր և կարող չէր ձի մը փարձելու : Կարաւանապետը գթասիրտ մի Թուրք էր . կառաջարկէր նրա որ տան գնով մի ծի փարձէ իրեն, բայց նա իր աղքատութիւնը պատճառ ցոյց տա-

լով կը մերժէր : Երեկոյ էր, արեգակը սկսել էր արդէն խոնարհիլ դէպի իւր գիշերային հանգստարանը երբ կարաւանը մուտքան վան քաղաք : Նոյն երեկոյ, Յովսէփ առանց բան մ'ուտելու, տրեխները քակեց, պարկը գլխին ներքեւը դրաւ ու երկնցաւ : Ճամբորդներէն մի երիտասարդ, Պետրոս անուն, Վանայ կիրաշէն գիւղէն, հետաքրքիր եղած էր այս թշուառին ով ըլլալը և ուր երթալը հասկնալու . Պետրոս գիտած էր որ բոլոր օրը նա բան մը չկերաւ . սկսաւ մըտածել որ եթէ երեկոյին ալ անօթի մընայ, հետեւեալ օրը ի՞նչպէս պիտի կարենայ ձամբայ քալել . ուստի քաղաքավարութեամբ մօտեցաւ նրա . Բայեկամ, ինչո՞ւ այդչափ շուտ պառկեցար, բաւ : — Ե՞ն, ի՞նչ անեմ, բոլոր օրը ձամբայ քալեցի, հոգնած եմ . վաղառաւօտ պիտի կանուխ ձամբայ ելնեմ . պատասխանէց Յովսէփ : — Կարծեմ այսօր անօթի անցուցիր, հիմա ալ այսպէս առանց մնունդի կը պառկիս . ասի քու առողջութեանդ կը վեսէ . ե՛լ, կանգնէ՛, բարեկա՛մ, միատեղ ձաշենք . արդա-

րե , իրաւունք ունիս արտնջալու վիճակից . ամեն պանդուխաներ այսպէս են , իրենց ձամբորդութեան առաջին օրը անօթութեամբ կանցունեն . մի՛ վշտանար , եղբայր . ես ալ քեզ նման սիրելեաց գրկէն բաժնուեցայ . արի՛ , քեզ հետ լինինք անբաժանելի ընկեր , մսիթարենք զիրար մինչեւ որ Աստուած ազատէ զմեզ այս պանդխտութենէ . մարդուս ամեն բանէ առաջ առողջութիւն պէտք է . մեր վիճակին պէտք չէ որ գժգոհինք . եթէ Տէրը յաջողէ , դարձեալ կը դառնանք մեր սիրելի ծնողաց գիրկը : Պետրոսի այս յուսատու խօսքերը լաւ ազդեցութիւն ունեցան Յովսէփի յուզեալ սրտին վրայ . անմիջապէս ելաւ գնաց նրա մօտ ձաշելու : Պետրոս փոքր իշատէ ուսում առած , ազնիւ և փորձառու մի երիտասարդ էր , սկսաւ բարոյալից խրատներ տալ Յովսէփին թէ ի՞նչպէս պէտք է վարուի մարդոց հետ իւր պանդխտութեանը մէջ , այսինքն անազնիւ միջոցներէ հեռու կենայ , միշտ գութ և սէր ունենայ գէպի իւր ընտանիք և հայրենիք , արդարասէր և մարդասէր լինի ,

Հայու դէմ երրէք վրէժխնդիր չլինի . եթէ դիւրութիւն ունենայ , ձեռնտուութիւն ընէ իւր կարոտ ընկերաց : Այս խօսքեր լսելով , Յովսէփի արտամալից դէմքին վրայ երեւաց մի թեթեւ ժափտ . ասի նշան մ՝էր չնորհակալութեան , քանզի այս մասին ոչ ոք չէր խօսած իրեն , ոչ ոք բարի խրատներ չէր տուած . նա առաջին անգամն էր որ այդպիսի խրատներ կը լսէր : Երբ Պետրոս կը շարունակէր իր քաջալերական խօսքերը , Յովսէփի մտատանջութիւնը հետզհետէ կը փարատէր , մերթ ընդ մերթ գոհունակութեան ժափտներ ցոյց տալով իր բարեկամին :

Պովսէկան լսութենէ յետոյ Պետրոս դարձեալ շարունակեց . Միրելի բարեկամն , կը տեսնես որ մենք երկուքնիս ալ միեւնոյն հասակը . մի՛ կարծեր որ բաղդը միայն զքեզ բաժնեց քու սիրելիներէդ . ես ալ իմ առազատիս առաջին գիշերուան առաւօտը արտասուալից աչքերով բաժնուեցայ ընտանեցս գրկէն , խոր լսութեան ատկ ծածկելով իմ սիրոյ զգացմունքս . ա՛ն , կուրծ-

քիս տակը բոց մը կաց ո՞ր անուշ խունկի նման սիրառ կը վառէ . մարդ մը իր հայրենի երկրին մէջ զուարթ թիթեռնիկ մ'է . երջանիկ է նրա սիրառ . բայց, ա՞չ, երբ կը հեռանայ հայրենիքին , այն ատեն այդ վաղանցուկ երջանկութիւնը կը փոխուի թշուառութեան . այնուհետեւ կը մարի պանդուխտին սէրը ձմեռուան տխուր աստղի մը պէս . եզրայիր, սրբազն են մեր արցունքները . գիտցիր որ երկնքի հրեշտակները իրենց փափկիկ թէւերով կը սրբեն պանդուխտ Հայոց արցունքները . Աստուած մեզի համար դրաւ զանոնք . նոքա Հայոց աշխարհի թշուառ սրբւոց միմիթարիչներն են : — Ճշմարիտ է սովոր, յարեց Յովսէփ . բայց իմ հոգւոյ վերքը այն է որ առանց մօրս և կնոջ գէմքը տեսնելու օտար առողջերու տակ ասլրիլ անկարելի պիտի լինի ինձ համար . մտածէ՞՝ անդամ մը և կարծեմ գու ալ իրաւոնք պիտի տաս ինձ . մարդու իր մանկութեան ատեն իր մօրը մօտ միայն երջանիկ կը լինի . երբ երիտասարդէ , իր սիրականին մօտ . երբ հասուն այր , իւր ամուսնոյն մօտ . մինչդեռ կնոջ մը

նուշ ձայնը մեր կիրքերը կը խաղաղէ , անոր ժպիտը մեր վշտերը կամոքէ , անոր համբոյը մեր ճակտին կնձիռներն կը փարատէ , անոր դգուանիքն կը թիթեռէ մեր բեռն ու կը սրտապնդէ զմեզ կենաց . կուսոյն մէջ . կայ արդեօք աւելի անուշ բառ քան մայր , քոյր, ամուսին և դուստը . բառերն և կանայք են որ այդ քաղցր և նուիրական անուանց տակ կը ծառայեն երջանկացնելու մեր օրերն : — Պետրոս յանկարծ Յովսէփի խօսքերն ըստ միջելով ըստու . ԱՌ բառական է , կորա չեմ , իմ ցաւերս ալ կարթնցնելու . այս երբէք հանդիսան չպիտի ունենայ . այս մեր բաղդին ապահակն է միթէ չեմ տեսներ որ երբ հայը իւ հոգից Որպէս կը ցանէ առատ սերմը , կսպաւ 7-8 ամիսներ որ ժամանակը գայ հնձելու , երբ այն օրը կը հաւանի , նա իր սուքերուն տակ կը գտնէ փուշ և տատառէ . կայ Հայու գլխին վրայ մի անէծք, բայց որմէ՞ է այդ անէծքը, չեմ գիտեր . մեր այս իրիկուան խօսկցութիւնը կը բաւէ . ուրեմն հանգուածնանք , վաղ տուաւոտ գարձեալ կը

տեսնուինք : Եէս գիշերն անցած էր երբ  
Պետրոս և Յովակի քնացան :

Արշալոյով ծագելու մօտ էր . Վանայ  
Այցեստանի աքլորներն հետզհետէ կը  
խօսէին . բնութիւնը կոքանչանար և կը  
փառաւորուէր իւր վաղորդեան հրձուան-  
քով , թռչունք ուրախաձայն երգերով  
կողջունէին տուրենչեան լուսատուի հան-  
դիօսաւոր ելքը , ամեն տեղ՝ կը չնչէր տ-  
նապառ հաճութիւն , ամենուրեք կը ափ-  
րէր անթառամ զուարթութիւն , միայն  
երկու բարեկամաց սիրաը պատած էր  
տիրութեան մթին մռայլով : Արեգակին  
տռաջին ձառագ այթները սկսան փայ-  
լիւ երկու Վասպուրականցիներն միեւ-  
նոյն տոնեն արթնցան , կարծես երկուքն  
աւ մի հոգի և մի մարմին կը կրէին . Քիչ  
մը յետոյ Պետրոս մօտենալով կարաւա-  
նապետին հարցուց թէ մի քանի օր Վա-  
նայ մէջ կը մնա՞ն թէ ոչ : Թուրքը հըս-  
կայաբար պատասխանեց թէ օր մ'եւս  
պէտք է որ մնայ իր գործերը կարգա-  
դրելու համար : — Աւքեմն այսօր բոլոր  
օրը կը շրջադայինք քաղաքը , յարեց  
Յովակի : — Ես աւ այդ փափաքն ունիմ ,

աւելցուց Պետրոս : Եւ ձամբայ ելան :  
Երբ քաղաքէն դուրս փոքր ինչ հեռա-  
ցան , տեսնուեցաւ Վանայ ծովակը որ  
մանիշակագոյն հայելոյ նման կը փայ-  
լէր , և որուն բոլորտիքը զարդարուած էր  
Արտօս , Արնոս , Արփան , Ներոնիք և  
Գրգուռ լեռներով , որոնք շրջանակի  
նման իրենց մէջաեղը առած էին ծովակը :  
Խնելով նաւահանգիստ , տեսան մի քանի  
առագաստաւոր նաւեր . ի՞նչ հիմնալի  
տեսարան , յարեց Յովակի . շատ գոյն  
եմ որ այս հայկական գարաւոր հնու-  
թիւնները կը տեսնեմ . է՛հ , կըսեն թէ  
այս երկիրը ժամանակաւ մերն է եղած :  
— Այօ՛ , պատասխանեց Պետրոս ակամայ  
ժպիտով մը : — Եւ ինչո՞ւ այսօր Հայուն  
չլինի , միթէ՞ արդարութիւն է այս , ա-  
ւելցուց Յովակի : — Գիտե՞ս ինչու համար  
Հայը կորսնցուց իւր այս դրախտային  
երկիրը . անոր համար որ չուվեց նա սի-  
րել իր եղայլը , չուվեց միտնալ , չու-  
վեց ազգայնութեան կոպը ամուր պա-  
հէլ . միշտ իրեն համելի երեւցան առե-  
լութիւն , նախանձ և անմիաբանութիւն  
որք ի հիմնաց քանդեցին ազգութեան

տունն ու սգին . ամենէն աւելի ներքին երկառաւակութիւններն պատճառ եղան տապալելու : Նոյն ատեն երբ մէկ կողմէն մեր թշնամին կը հարուածէր Հայը , միւս կողմէն ալ Հայերը իրարու դէմ վրէժինդիր կը լինէին , կատէին զիրար , մէկը միւսին թագը կը յափշտակէր իր փառասիրաթեանը համար , և ահա այսպէս մեր գեղեցիկ և փառաւոր թագւորութիւնը գահավիժեցին յաւիտենական անդունդին մէջ : Պետրոս յանկարծ կտրեց իր խօսքը և բոպէական լուսթենէ յետոյ դարձեալ շարունակեց . Կաղաչեմ , սիրելի բարեկամու , ուրիշ անգամ մեր ազգի անցեալին վրայ մի՛ հարցներ ինձ , վասն զի սիրաս անշէջ բացերու մէջ կը գտոի , երբ կը յիշեմ զանոնք . օ՛ն ուրեմն , մեկնինք այս տեղէ , բաւական է այստափ . այժմ ուրիշ ո՞ւր կուզես որ երթանք . ես Վանայ ամեն կողմերը կը ձանչեմ , շատ անգամներ եկած եմ : Յովսէփի իմաց տուաւ որ փափագ ունի տեսնել Վանայ եկեղեցիները : — Լաւ . միտքս բերիր , յարեց Պետրոս . այսօր ուրբաթէ . Ա. Նշան եկեղեցւոյ մասունք բաց-

տեկու օրն է , երթանք ուրեմն . Երկու բարեկամներն աճապարանօք ծովեղերքէն ճամբայ ելան և 20 վայրկենի չափ վերջը մտան Ա. Նշան եկեղեցին : Ա. Պատարագը աւարտած էր և գեռ նոր էին սկսել խաչահանդսուեան արարողութիւնը : Երբ եկեղեցին աւարտեցաւ , դուրս ելան , անդ գտնուած ջրհորէն մէկ մէկ թաս ջուր խմեցին , այցելեցին նաեւ Առաջնորդարանը որ Ա. Նշանի կից է . այդ շնչին ալ տեսնելց յետոյ բաժնուեցան քաղաքամէջէն և Պետրոսի առաջնորդութեամբն բոլոր օրը Այգեստանի զանազան կողմերը և մասնաւորապէս Յայնկոյսներ ըրջագոյելով զուարձացան :

Երեկոյ էր . Պետրոսի մի քանի բարեկամացը առաջարկութեամբ մնացին պանդոկը որ կը կոչուի Սլերդու խան : Անոնցմէ մին հարցուց Յովսէփին թէ ո՞ւր պիտի երթայ դրամ շահելու . Յովսէփ պատասխանեց թէ շատ հեռուներ երթալու միտք ունի եթէ Աստուած յաջողէ : Կարծեմ թէ դէպի Ռուսաստան , կը սէ մին . միւս մ'ալ կաւելցնէր թէ չեմ կարծեր . աւելի հեռու Ռուսաստանէն ,

դէպի Հնդկաստան : Յովսէփ կարծեց թէ  
ծաղրաբանութիւն էր անոնց ըստածը . ըս-  
տիպուեցաւ ճշմարիտը ըսել — ո՛չ, բա-  
րեկամներս , ես ուզգակի Կ. Պօլիս պիտի  
երթամ . հոն մեր հայրենակիցներէ կարող  
եմ գտնելու . Ուռւաստանի և Հնդկաս-  
տանի մէջ չեմ յուսար որ մեր երկրի  
մարդերէն գտնուին : — Այնպէս կը կար-  
ծես , յարեց Պետրոսի բարեկամներէ մին  
ընդմիջնելով Յովսէփի խօսքը . Հայաս-  
տանցին ո՞ւր չերթար . աշխարհի բոլոր  
անկիւնները կարող ես գտնել անոնցմէ .  
կարծես նոքա հալածեալ թշուառական-  
ներ են . ես Փօղանց գիւղցի մի կաղ հայ  
կը ճանչեմ որ երկար տարիներ թափա-  
ռած է Անդղիս , Ամերիկա , Հնդկաս-  
տան և դարձեալ եկած է իւր ընտանեա-  
ցը մօտ . եթէ օր մը Փողանց գիւղ հան-  
դիսլիք , կարող էք գտնել զինքը . նրա  
անոնը Աբգար Ճանիկեանց է , նա կը  
խօսի զանազան լեզուներ , այնպիսի լե-  
զուներ որ սատանան անդամ չէ կարող  
հասկանալ . նա ամեն տարի Վասպուրա-  
կանի հետազօտիչ այցելու Փռանկներուն  
թարգմանութեան պաշտօն կը վարէ , փո-

խարէն ընդունելով գուամական մեծկակ  
նուերներ : Յովսէփ հիացմամբ մտիկ կը-  
նէր անձանօթին խօսքերուն . նա վայր-  
կեան մը լուս կեցաւ և յետոյ շարունա-  
կեց . Յիրաւի որչափ որ Հայաստանցին  
պանդիստութեան տառապանքները կը  
կրէ , բայց յետոյ փոխարէն կընդունի  
իւր վարձատրութիւնը : Այս աեսակցու-  
թիւնը տեւեց մինչեւ կէս գիշեր , յե-  
տոյ կարգաւ պառկեցան . նոյն գիշերը  
բաւական հանդիսատ անցուցին երկու  
ձամբորդները Սղերդու խանի մէկ սենե-  
կին մէջ չնորհիւ Պետրոսի բարեկամացը :

## Գ

182.

Առաւօտեան արեւը ծագեց և իւր  
լուսապայծառ ճառագայթները տարա-  
ծեց ամեն կողմ . օդը հեշտալի էր , հո-  
վիւները իրենց հօտերը կը քչէին մերձա-  
կայ արօտները , ամեն կողմէ կը լսուէին  
թռչնոց ուրախ տաղերգները . Պետրոս և  
Յովսէփ բաժնուեցան բարեկամներէն . կէս  
օդը մօտ էր երբ կարաւանը իր վերջին  
ողջոյնը տուաւ Վան քաղաքին : Պետրոս

իր սիրելի ընկերին մի ձի վարձեց . նորա  
ուրախութիւնը անքացատրելի էր . հինգ  
ժամ անընդհատ ճամբորդելէ յետոյ , կա-  
րաւանը հասաւ Կէ օլիւ : Արեկոյին պա-  
տրսպարուելու համար նոքա չունէին վը-  
րաններ . գետնատարած ընկան բացօթ-  
եայ գաշտի վրայ . ցերեկը որչափ որ ա-  
րեւը կը խորովէր նոցա մարմինը , գիշերն  
ալ ընդհակառակը ցուրաը և ամարային  
անձեւը կը սառեցնէր : Առաւոտուն ,  
այսինքն երկրորդ օրը , կարաւանը ճամ-  
բայ ելաւ և երեկոյին հասաւ ջիրամօր  
վանքի գիւղը . երրորդ օրը Պէտքի Մա-  
հու . չորրորդ օրը Արձէշ գիւղաքաղաքը .  
5րդ օրը Բնիրդակ . 6րդ օրը Շաշկին . 7րդ  
օրը Մանզկերտ (այս գիւղը կը գտնուի  
Մուրաստ գետի եզերքը) . 8րդ օրը Գա-  
րս չօպան . 9րդ օրը Փօզլու . 10րդ օրը  
Արազ գետի եզերքը և 11րդ օրուան ե-  
րեկոյին արեւը մարշ մտնելէ առաջ մտան  
Կարին քաղաք : Խարաւանը իւր սովո-  
րական հանգստութիւնը տուաւ . Երկու  
օր անդ կենալէ յետոյ , կիրակի օր մէր  
ճամբայ ելան Կարինէն . Ելիճա , Մահատ  
աէրէսի ժամանէլէ յետոյ չորս օրէն մտան

Պայպուրթ . ասկից ձիշդ երեք օրէն կա-  
րաւանը իւր ողջոյնը տուաւ Տրապիզոն  
քաղաքին : Ճամբորդները կարաւանապե-  
տին հաշիւը մաքրեցին . նոյն գիշերը ի-  
ջեւանեցին Թաշ խան . հետեւեալ առա-  
ւոտուն իջան նաւահանգիստ . անդ պատ-  
րաստ էր սուսական Ռազպօլիք անուն  
շոգենաւը որ հսկայի մը պէս կապասէր  
անդ ճամբորդները կ . Պօլիս տանելու  
համար : Նաւամատայցին վրայ կը ըրջա-  
գայէին Պետրոս և Յովանէփ , յանկարծ մի  
գծուծ հրեայ մօտենալով քարեւեց . յե-  
տոյ քմծիծաղով սա խօսքերը ըստն . Կար-  
ծեմ Պօլիս պիտի երթաք : — Այո՛ , պա-  
տասխանեցին նոքա : — Եթէ կընդունիք ,  
ձեզի մի բարերարութիւն կարող եմ ա-  
նել : — Ի՞նչ բարերարութիւն , հարցուց  
Պետրոս : — Եթէ սուսական շոգենաւով  
պիտի երթաք , ասկէ մինչեւ Պօլիս պէտք  
է վճարէք եօթը բուլլի մէկ տոմսակի  
համար . մինչդեռ ես կարող եմ երկու  
հոգւոյ համար 6  $\frac{1}{2}$  բուլլիի երկու տոմ-  
սակ յանձնել ձեզ . ահա իմ ընկիք բա-  
րերարութիւնս այս է . Եթէ առաջար-  
կութիւնս կընդունիք , պատրաստ եմ

այժմ երթալ երկու տոմսակ առնել։ Յով-  
սէփ միամտութեամբ ընդունեց հրէին առ-  
ռաջարկը։ իսկ Պետրոս կասկածեցաւ,  
բայց վերջապէս Յովսէփի կարծեաց հա-  
մաձայնելով ընդունեց հրեայի առաջար-  
կը։ Հրեայն հեռացաւ, պատուիրելով  
որ սպասեն մի քանի վայրկեան։ այդ վատ  
արարածը բաղդախնդիր մ'էր, որ այս-  
պէս խեղճ ճամբորդները բունելով շոգե-  
նաւի կեղծ տոմսակներ կը վաճառէր։  
Հրեայն մի քանի վայրկեան վերջը աճա-  
պարանօք կը դառնայ։ — Ահաւասիկ  
տոմսակները, այժմ առանց յապագելու  
մտէք շոգենաւ։ Պետրոս խոսացուած-  
գումարը տուաւ Հրէին, այսինքն  $\frac{3}{4}$  օսմ.  
ոսկի որ  $6\frac{1}{2}$  րուպիկի արժէք ունի։ Խո-  
րայէլացին ուրախութեամբ հեռացաւ։  
Ինչպէս որ յայտնի է, այս խորամանկ և  
շահաբանդիր ազգը ամեն երկրի մէջ ճանչ-  
ցուած է իր հռչակաւոր խարեբայներ։  
նոքա երբէք մարդասիրութիւն չունին։  
Հրէից հետ ով որ առեւարական գործի  
մը մէջ մտնէ, անկարելի կը լինի եթէ ըլ  
խաբուի։ նոքա լաւ ուսումնասիրած են  
այդ արհեստը։ Պետրոս և Յովսէփ նա-

լսարեցին մեզի .կ. առաջին անդամն է որ ծովային ճամբորդութիւն պիտի ընկնք . դուք ալ տեսնելով այս անիրաւութիւնը , իրաւունք ունիք բարկանալու , պէտք է որ վճարենք ձեր անրաջարկած զումարը : Ապաշչեմ , եթէ կարելի է , 5 բուլլի տուգանքը մի առնիք , մենք ալ պահ- դուխտ քրիստոնեայներ ենք , ըստ Յովակի պաշտօնէին : — Անկարելի՞ է . մեր օրէնքը այսպէս կը պահանջէ , պա- տասխանեց ոռւս պաշտօնեայն :

Պետրոս տեսնելով որ անկարելի է , վկէն կախւած կաշեայ քսակը դուրս տուաւ մեքենաբար , վճարեց տոռերը և 5 բուրի տուգանքն ալ խեղճ՝ սպակի սրախն ցաւէն և ամօթէն արցուք կը թափէր , վասն զի այնալիս կը թուռ ի- րեն թէ պատճառը ինքն է եղած . այց Պետրոս տեսնելով խեղճին անհանդատ վնելը , կը միմիթարէր զնա ըսելով .— 1- հա մեր պանդխառութեան մէջ պատահ- լիք փորձանքներու առաջին քայլն է այւ մարդ իր կենդանութեանը մէջ անկարե մարդ իր կենդանութեանը մէջ անկարե լի է որ չխաբուի , բայց ամեն վայրկեա- լի է որ չխաբուի , բայց ամեն վայրկեա- լի է զդուշանանք չար մարդերէ . ինչ պէտք է զդուշանանք չար մարդերէ .

պէս որ տեսար , այն խարեւայ Հրէայն նախ և առաջ ինքզինք մարդասէր և բա- րերար ցոյց տուաւ և յետոյ իր չարու- թիւնը ի գործ դրաւ . նոքա ո՛չ Աս- տուծմէ երկիւղ ունին և ո՛չ ալ մարդոց- մէ կամաչեն . այդ բազդախնդիրները գութ և մարդասիրութիւն չունին երբէք , մինչեւ անդամ մուրացկանին տառլակէն . հաց գողնալն ալ իրենց շահ . կը սեպէն . եթէ Պօլս իջնենք , անոնց աւելի վար- պետներուն պիտի հանդիպինք որոնք ա- նազնիւ միջոցներով պիտի աշխատին մեր վաստակը կողովտելու . Կոստանդիանոսի քաղաքը մեծ է , բայց այդ անզգամները պզտիկ . այնտեղ ամեն գասէ մարդիկ կընդունուին : Երկար տարիներ Պօլսոյ մէջ պանդխառութիւն ընող մեր հայրե- նակիցներէ լսած եմ շատ մը հետաքրք- րական պատմութիւններ այդ չար- դոց վրայ . հօրեղաբար անզամ մը պատ- մեց ինձ թէ իւր պանդխառութեան ա- ռաջին շրջանը , այսինքն 7 տարին , ա- ւարտելի յետոյ կը պատրաստուի հայրե- նիք վերադառնալ . նոյն օրը որ չոգե- նաւ պիտի մանէ , մի քսակահատ Պօլսոյ

կամուրջին վրայ մօտենալով հօրեղբօրս, անոր վզին կախուած քսակը ամենայն ձարագութեամբ կարելով կառնէ կը տանի խեղճին ամբողջ հարսութիւնը, այնպէս որ հօրեղբայրս ոչինչ չիմանար մինչեւ որ Քրապիզոնի շոգենաւը կելնէ . և երբ տամա առնելու համար ձեռքը քսակին կը տանի, կը տեսնէ որ քսակը թռած էր . խեղճը կուլայ, կոլլայ, բայց ի գուր . մեռելը դադաղին մէջ չկենդանանար լուսվ. վերջապէս յուսահատեալ, շոգենաւէն կը գառնայ և կըստիպուի հինդ տարի եւս կենալ Պօլիս, դրամ շահիլ և յետոյ վերադառնալ: Պետրոս այս պատմութիւնը վերջացնելէ յետոյ, դէմ առ դէմ նատան անկիւն մը և սկսան ձաշէլ:

Երեկոյեան արեւը կը խոնարհէր դէպի իւր գիշերային բնակարանը . շոգենաւը ճամբայ ելու . հազիւ մի քանի մը զոն յառաջացան, Աթաղայիիկի բարձր կայմերուն գլուխը երեւաց կարմիր և կանաչ խորհրդաւոր գոյներով մէկ մէկ լուսպատեր . լուսինկայ գիշեր մ'էր, Աեւ ծովու գեղածիծաղ ալիքներու և ծովային գե-

փիւոփի քաղցր մեղեդին կը լսուէր . երկու ընկերներ զարմանօք շոգենաւին այլ և այլ կողմերը կը չըջագայէին, մանաւանդ մեքենաներու վրայ գաղափար մը ունենալու համար . նոյն գիշերը շատ հանգիստ անցուցին: Առաւօտեան արշալոյսը ծագելու մօտ յանկարծ մեծ ազմուկ մը լսուեցաւ . նաւաստեաց իսումբ մը շոգենաւին մէկ ծայրէն դէպի միւսը կը վասպէին, խումբ մ'ալ կայմերուն վրայ կը սլանային առագաստները հաւաքելու: Արդեօք ի՞նչ պատահհեցաւ, միթէ վլոանգ մը կայ, ըստաւ Յովսէփի: — Դիւրին է իմանալ, պատասխանեց Պետրոս ու գնաց եղելութիւնը իմանալու: Քիչ մը յետոյ արամալից դիմօք վերադարձաւ նա Յովսէփի մօտ ու ըստաւ . նաւապետը գուշակած լինելով թէ մի քանի վայրկեան վերջը սաստիկ փոթորկի մը սլիտի ելնէ, նաւաստիներուն կը հրամայէ որ առագաստը հաւաքեն ու պատրաստ կենան: Յովսէփի զարմացաւ, անհաւատալի կը թուէր իրեն թէ կարելի էր այդպէս գուշակել, և կըսէր Պետրոսին . Միթէ Աստուծոյ գաղտնեաց մարդս կրնայ վերահասու լի-

նիւ։ Յետոյ Պետրոս համսպեց որ այդ նաւապետները՝ բացի իրենց գործնական, փարձառութիւններէն, երկար տարիներ Եւրոպիոյ բարձրագոյն վարժարաններու մէջ ուսում առած և այդ արհեստին համար պատրաստուած մարդեր են։ գիտութիւնը այնպիսի գերբնական զօրութիւն մ'է որ մարդո շատ անդամ վասնգաւոր գոյցը կայրիկեաններէ կազատէ։ Երբ այս խօսակցութիւնը կընէին, յանկարծ արեւը ծածկուեցու սեւ ամսկերով։ կարծէն թէ գիշեր էր սաստիկ արեւելեան հողմը սկսու փշել մանչմամբ։ այդ ահագին նաւեւ սկսու պատերազմիւ անդութակեաց դէմ։ Երբեմն ալ կատաղի ալիքներն բարձրանալով շոգենաւին մէկ կողմէն ներս կը լցուէին և միւս կողմէն դարձեւ ծովուն մէջ կը թափուէին։ փոթորիկը և ալեկոծ ութիւնը երթալով կը սաստիկանացին, անեկամուռնչ հովը ուժգին կը փշէր, բարը ճամբորդները ուժուգովի մէջ մնացին, մտարերելով իրենց կորուսոք։ բայց առաջին նաւապետը ադապտար կազմակեր աննոնց խմացնելով թէ քիչ ատեն ալիտի անէէ փոթորիկը և

թէ պէտք չէ որ վախնան, ամեն նաւապետ ալեկոծ ութեան ժամանակ այս քաջալերութիւնը պարտաւորեալ է տալու, ինչպէս բժիշկը իւր մահուան մօտ հիւանդին։ Այդ ալեկոծ ութեան ատեն Յովսէփ և Պետրոս իրարու մօտ պառկած անգգայ վիճակի մէջ տարածուած էին տախտակամածին վրայ։ նոքա այնպէս կը կարծէին որ իրենց ճգնաժամն հասածէ։ մերթ ընդ մերթ կը փսխէին ողորմելի ձայնով։ Անոնց նման ուրիշ շատ ճամբորդներ ալ այդ վիճակի մէջ կը տանջուէին, երբեմն տրաունջ բառնալով նաւապետին դէմ, թէեւ նա չէր այդ ալեկոծ ութեան հեղինակը։ նա նաւուղղութեան տեղն անցած կը փութար պարտ ու պատշաճն ի գործ դնել ամենայն ջանիւք։ Ճիշդ երկու ժամ տեւեց այս ալեկոծ ութիւնը։ յետոյ արեւը ամսկերուն մէջն կարող եղաւ թափանցել։ ուղեւորները ուրախութեամբ իրենց խորին չնորհակալութիւնը կը յայտնէին նաւապետաց, գովելով նոցա հմտութիւնն և քաջութիւնը։ մի քանի վայրկենի մէջ

ծովը իր սովոր՝ կերպարանքն առնելով,  
սկսաւ Խազայօնիկ սրարշաւ յառաջ ըն-  
թանալ . նաւապետը մի քանի հիւան-  
դաց համար այլ և այլ գեղեր պատրաս-  
տել տուաւ իւր օգնականին : Խեղճ Յով-  
սէփ երբ սովոր վրայ կելնէր , մի քանի  
քայլ հազիւ կրնար առնել , գլուխը դառ-  
նալով նորէն կիյնար . աչքին ոչ ուսելիք  
կերեւար և ոչ ըմբելիք . միայն կաղաչէր  
Պետրոսի օր զինքը մինակ չթողու . բո-  
լոր օրը արբեալ մարդու մը նման գլուխը  
վեր չկրցաւ բարձրացունել , ցնորեալի մը  
սկէս աչքերը գէպ երկինք յառած ան-  
դադար կը նայէր : Եւ ահա գիշերը վրայ  
հասաւ . երկնից աստղերը ուրախութեամբ  
կը շողողային , արեւելեան անուշիկ հող-  
մը կը փշէր . իսկ լուսինն արդէն իւր ա-  
ռաջին քառորդը լրացուցած էր , իւր  
լուսով լուսաւորուած էր Սեւ Ծովը որ-  
պէս մի հայելի : Ամբողջ գիշերը շողե-  
նաւը իր ընթացքն առաւ սովորական  
կերպով : Հետեւեալ առաւօտուն օդը  
զով և քիչ մ'ալ անձրեւոտ էր . բայց լայ-  
նատարած Սեւ ծովը խաղաղ : Խրեք օր և  
երեք գիշեր շարունակ ընթանալէ յետոյ ,

չորրորդ օրուան ցերեկի երկու ժամ ան-  
ցած Վոսփորի գեղեցիկ ալիքներուն բա-  
րեւելով անցաւ . մի քանի վայրիեան յե-  
տոյ յաղթանակաւ իւր խարիսխը ձգեց  
Քուրշունլու Մաղաղայի առջեւ : Անմի-  
ջապէս հարիւրաւոր մակոյկներ շարուե-  
ցան շրջենաւին բոլորտիքը որոնք ըրջա-  
նակ մը կազմեցին . ճամբորդներն այդ  
մակոյկներուն մէջ լեցուելով մաքսատան  
պաշտօնէից իրենց անցագրերն ցոյց տա-  
լէ յետոյ Պօլսոյ այլ և այլ կողմերը սկսան  
ենել : Յովսէփի և Պետրոս մի նաւակ վար-  
ձեցին . նաւավարը յաճախորդաց հրա-  
մանին համեմատ սկսաւ թիւավարել գէպի  
իւսկիւտար : Ճիշդ երեք քառորդէն հա-  
սան նւսկիւտարի նաւամատոյցը :

## ¶

Երբ մօտեցան իւսկիւտարի կառք փո-  
խադրով շոգենաւներու նաւամատոյցին ,  
բեռնակիր Հայերու խուռն բազմութիւն  
մը հետաքրքրութեամբ վազեցին գէպի ի  
նաւամատոյց . նոքա Վասպուրականի և  
Կիլիկիոյ թշուառ ժողովուրդներն էին .

մեծ աղմուկներով կը դիմաւորէին իրենց հայրենակիցներուն . իսկ սոքա կրթեալ կապիկներու նման շուարեալ կը նայէին այդ բեռնակիրներու : Ամեն կողմէ կազաղակիցն և մեր ճանապարհորդներն բազմութեան մէջ անյօյտ ըլլալով չէին գիտեր թէ ի՞նչ անեն և ո՞ւր երթան . վերջապէս ձերբակալեալ ոճրագործի մը նման բազմութեան մէջ տեղէն յամրաքայլ կերթային : Նաւամատոցէն ձիշտ չոքայլ հեռաւորութեամբ կը գտնուին կարգաւորածուններ որոնց մին բեռնակըրապէտ (համալ պաշի) Պատղար Վարդանեանի սրճարանն էր . բազմութեամբ մըտան անդ . կարգաւ նստան փսխաթով ծածկուած նստարաններու վրայ : Հիւրերուն բարեւելէ յետոյ , սուրձ եփողը ժանգոտ մատուցարանի մը վրայ գրուած երկու գաւաթ սուրձ բերելով ըստաւ . ձապա՛ , լսամալ պաշիէն . այդ սուրձը դեռ չի խմած , ուրիշ գաւաթ մը յաջորդեց . այս անգամ ալ պօռաց սուրձ եփողը . ձապա՛ , այս ինչ անձէն : Խեղճ կիւրերը դատապարտեալ էին ճնշուած ստամոքսնին լեցնել սուրձով : Երբ տասներորդ

գաւաթը եկաւ , Յովսէփ իմաց տուաւ որ ա՛լ անկարելի է խմել . նրա այս յանդգնութիւնը հարուած մ'էր տասներորդ սուրձը հրամցունողին . նուիրատուն նըստած տեղէն շարժեցաւ , ինքզինքը ներկայացուց և Յովսէփի ըստաւ . — Խմէ՛ , զուռպա՛ն , խալիս Եամէնի դայվէ է : Այս տեսարանն ալ վերջանալէ յետոյ , կիրաշէն և Արջակ գիւղացիներ սկսան հարցնել իրենց բնտանեաց մասին . մին կըսէր սապէս . — Տղա՛յ , ի՞նչպէս է մայրս . միւս մ'ալ . — Ղուրպա՛ն , ի՞նչ կանէ կինս , լա՞ւ է . զաւակներս ո՞ղջ են , ելն : Հիւրերը գոհացուցիչ պատասխաններ կուտային : Նոյն գիշերը Համալ պաշի սրճարանին մէջ հիւրընկալուեցան . հետեւեալ օրը գործ գտնելու համար գործակատար Կիրակոս եղբօր դիմեցին : Այս անձը իր արհեստին մէջ շատ հմուտ էր . երբ Պօլսոյ մեծատանց համար ծառայ մը պէտք ըլլար , անմիջապէս գործակատար Կիրակոսի կը դիմէին . նա կարող էր գտնել ծառայներ կւրաքանչիւր անձի բնութեան համեմատ : Անցաւ երեք օր . Կիրակոսի միջնորդութեամբ

Պետրոս ընդունուեցաւ Մըլրլը իսմայիլ  
փաշայի ամարային ապարանքը այլա-  
զութեան պաշտօնով։ Այդ ապարանքը  
կը գտնուի Խւսկիւտար Թօբհանէլի օղու  
կոչուած արուարձանը Զամիլճայի ճամ-  
բուն վրայ գէպի աջ կողմը։ կապոյտ և  
սպիտակ ներկուած մի բարձր շնչք է ո-  
րուն բոլորակիքը զարդարուած է մի քա-  
նի փոքրիկ շնչքերով։ ունի ընդարձա-  
կածաւալ դրախտանման պարտէղ որուն  
մէջ կարող ես գտնել ժամանակին հա-  
մեմատ ամեն տեսակ ծաղիկներ և շատ  
մը կենդանիներ զանազան ցեղերէ, զը-  
ռւարձութեան համար, ամեն տեսակ  
քայլափոխիդ պիտի տեսնես փոքրիկ լը-  
ճակներ որոնց մէջ գոյնզգոյն ձուկեր կը  
լուղան։ տեղ տեղ շնծու անտառներ և  
ձորեր, որոնց մէջն մանչմամբ կը սահին  
քաղցրահամ և պաղ ջուրեր. շատ զուար-  
ճալի է ներկայ գտնուիլ անդ մայիս և  
յունիս ամիսներուն մէջ. առաւտեան  
քաղցր զեփիւռը կեանք կուտայ մարդու.  
սոխակք ուրախ և զուարթ անուշիկ եր-  
գեցողութեամբ ծաղիէ ծաղիկ թուշտե-  
լով կզրունուն։ Պետրոս լաւ պաշտօն մը

ստանձնած էր. նա երջանիկ էր, միայն  
Յովսէփի համար կը մտածէր։ Յայս ապա-  
րանքի մէջ տասնէ աւելի պանդուխտ  
Հայեր եւս կային, բայց նոքա երթէք  
չէին մտածեր իրենց ընտանեացը վրայ,  
չէին զգար հայրենիք վերադառնալու  
փափաքը. ինքզինքնին տուած էին զը-  
ռւարձութեան և պաշարեալ էին ամեն  
տեսակ մոլութիւններով։ Երկրորդ օրը  
մտակարար Հիւսէյին էֆէնտին ձեռք  
մը թոքական զգեստ տուաւ Պետրոսի,  
կապոյտ չուխայէ շինուած. նրա պաշ-  
տօնն էր ցերեկուան և երեկոյեան ճաշի  
ատեն խոհարանէն կերակուրները առ-  
նել ըերել հարէմը. օրը երկու անդամ  
ալ սրահները աւել. ասի ծանր աշխա-  
տութիւն մը չէր. վերջապէս գոհ էր Պետ-  
րոս իր վիճակին։

Գալով Յովսէփի, նա ալ Համալ պա-  
շի սրճատան մէջ սուրձ եփողի օդնա-  
կան եղած էր. բայց երկար չտեւեց այս  
գործը. նա ամեն օր կաղաչէր գործա-  
կատար Կիրակոսի որ իրեն ալ մի խօնախ  
գտնէ ծառայելու համար։ Վերջապէս իր  
բաղձանքին հասաւ. Կիրակոս առաւօտ

մը առնելով զի՞նքը տարաւ Սուլթան-թէ-փէ Ա. . . ։ փաշայի ապարանքը Յովսէփ ալ 10 մէջիտ ամսականաւ այվազութեան պաշտօնը ստանձնեց այնտեղ ։ Այդ ապարանքի խոհարարն ալ հայազգի Վարդան անուն մի ծերունի էր, Վանայ գաւառէն Ճանիկ գիւղցի ։ այս անձը 12 տարի շարունակ Ա. . . ։ փաշայի խոհարարն էր ամեն անդամ կազաչէր նա թէ՛ փաշային և թէ՛ հարէմին որ զի՞նքը թողուն հայրենիք երթալ ։ բայց նոքա կը մերժէին ըսելով ։ Եթէ թողունք զքեկ, վերջը ո՞վ պիտի պատրաստէ մեր կերակուրեները ։ 12 տարի է որ վարժուած ենք քեզի ։ Եթէ ամսականդ չի բաւեր, իմաց տուր, մենք կաւելցնենք ։ Կատ զարմանալի մարդիկ են Պօլսոյ թուրք մեծատունները ։ իրենց աշխատաւոր և հաւատարիմ քրիստոնեայ ծառայներնին կուզէն որ միշտ իրենց մօտը լինին ։ համակութիւն ցոյց կուտան տնոնց, կը սիրեն և կը յարգեն ։ և ահա Վարդան ալ փաշային այդպիսի սիրելիներէ մին էր ։ Այս փաշան ազնուարարոյ, մարդասէր, հազիւ 40 տարին լրացուցած, միջնահա-

սակ, գէր և սեւաչեայ մի անձ է ։ երկու ծնօտին վրայ ունի վայելուչ սև մօրուք որ շրջանակի նման եւս առաւել գեղեցկութիւն մը տուած է իւր սպիտակ գէմքին ։ Սա ալ չմոռնամք յիշել թէ նա ամեն տեսակ թրքական մոլութիւններով պաշարեալ էր ։ ապարանքին մէջ բացի իւր կնողմէն ունէր չորս հատ հրեշտականման չէրքէ զուհիներ ։ այդ գողտրիկ արարածները գտատարտեալ էին տիւ և գիշեր վանդակի մէջ մնալ ։ միայն ուրբաթ օրերը ազտու էին յամրընթաց կառքերով շրջագայիլ Պաղլար-պաշիի և Զամլըճայի կողմերը ։ Այդ վերջալուսի աղջիկները ուրոց գէմքերը դալկահար եղած և մեղրամոմի գոյն առած էին իրենց բնական սիրոյ կրակէն, վառվուուն աչերով այնպիսի քաղցր նայուածք մ'ունէին որ տեսնողը պիտի կարծէր թէ նոքա մարած են կառքին մէջ ։ երբեմ ալ սիրոյ ժալիւներ ցոյց կուտային երիտասարդաց, այնպիսի ժպիտներ որ մարդս շատ քիչ անդամ կը տեսնէ գեղուհիներու դէմքի վրայ ։ մէկ խօսքով, գիտէին ներշնչել այն երիտասարդի որ իրենց ժպիտի փո-

36 ՀԱՅԱՍՏԱՆԻ ԹՇՈՒԱՌՆԵՐԸ  
Խարէնն տալով կը բարեւէր . մաշեաւ  
էակներ . այդչափը բաւական սեպէլով  
երջանիկ կըլլային . բայց եթէ յաջողէին  
այդ երիտասարդը իրենց ձեռքը ձգել ,  
վայ անոր . . . այդ չէրքէ զուհիները մէկ  
մէկ կատաղի հրէներ են :

Յովսէփ ուրախութենէն մի նամակ ու-  
ղարկեց ընտանեացը . նա նկարագրեց  
իւր ճամբորդութիւնը , կրած տառապան-  
քը և այժմեան հանգստութիւնը : Հայ-  
րենի տունէն հեռանալէն ի վեր անցած  
էր Յ ամիս , առաջին անդամ իր նամա-  
կին պատասխանը առաւ . հայրը կիմա-  
ցունէր թէ մեծ թշուառութեան ենթա-  
կայ ըլլալով ստիպուած էին գիւղի վաշ-  
խառու Մաթոս աղայէն քանն մէծիս առ-  
նել 40 օր պայմանաժամով և հինգ մէ-  
ծիս տոկոսով : Յ յս նամակը Յովսէփի  
ձեռքն հասնելէն երկու օր վերջը յայտ-  
նուեցաւ վաշխառու Մաթոսի Պօլսոյ  
գործակատարն , ձեռքն ունենալով 25  
արծաթ մէծիսի բօլիցան . Յովսէփ այդ-  
չափ գումար մը պատրաստ ունէր , նա  
ամբողջապէս վճարեց : Գործակատարը  
մէծիս մը եւս պահանջեց անկէ , Պօլսէն

ՀԱՅԱՍՏԱՆԻ ԹՇՈՒԱՌՆԵՐԸ 37

իւսկիւտար անցնելուն համար ճամբու  
ծախք ցոյց տալով . այդ մէծիսը իւր  
խարեւայութեան արդիւնքն էր . Յովսէփ  
պահանջուած մէծիտն ալ վճարեց և գոր-  
ծակատարն մեկնեցաւ :

Հայաստանի վաշխառու հայ չօրպա-  
ճիներուն վրայ ազնիւ ընթերցողաց գա-  
ղափար մը տալու համար , հարկ կը հա-  
մարիմ այստեղ փոքր ի շատէ նկարագրել  
նոցա անազնիւ և անմարդավայել գոր-  
ծերն : Յ յդ վաշխառուները հարստահա-  
րիչ Թուրք պաշտօնէից հետ միանալով ,  
թունաւոր օձի նման խեղճ ժողովրդեան  
արիւնը կը ծըծեն . ահա այդ վաշխառու  
անուանեալ չօրպաճիներն են որ խորա-  
մանկութեամբ և վատութեամբ այրի կը-  
նոջ հացն կը խլեն ու որբերու ժառան-  
գութիւնը կը յափշտակեն . նոքա սատա-  
նայական մեքենայութիւններով կը կո-  
ղոպտեն պանդուխտ հայուն ընտանիքը  
հայրենիքն մէջ . իսկ նոցա գործակատա-  
րըն ալ կը հարստահարէ պանդուխտը Պօլ-  
սոյ մէջ . երկայրի սուրի նման երկու  
կողմէ ալ պանդուխտին վրայ յարձակե-  
լով կը յափշտակեն նորա վաստակը , այն

38 ՀԱՅԱՍՏԱՆԻ ԹՇՈՒԱՌՆԵՐԸ

վաստակը որ նա մինչեւ 100—120 հօխայ ծանր բեռը ուսին վրայ կրելով, արիւնքրտինք թափելով շահած է. կարծես թէ Աստուած միայն պանդուխտ Հային համար ըստած լինի. «Քրտամիք երեսաց քոց կերիցես զհաց քո մինչեւ դարձցես յերկիր ուստի առար» (Ծննդ.), Եթէ պանդուխտը ժամանակին չկարենայ վճարել տոկոսաւոր գումարը որ իր ընտանեացը արուած է, անմիջապէս գործակատարն ետ կը դարձնէ փոլիցան. այն ատեն անխիղճ վաշխառուն դրամագլխին վրայ ծանր տոկոս մ'ալ աւելցնելով մէկ ամիս պայմանաժամ կը դնէ ու դարձեալ կուզարկէ Պօլիս. Բայց եթէ այս անդամ ալ չկարենայ վճարել թշուառը, վայ անոր. անմիջապէս խեղճին աղքատիկ խրճիթը, արտը, տաւարը (եթէ ունի), ամենքն ալ վաշխառու դահիճն դրաւելով կամ կը վաճառէ և կամ իր կալուածոց կարգը կանցունէ. Եւ ահա այսպէս կը թշուառաշնան անթիւ ընտանիքներ. անկէ յետոյ նոքա կակսին մուրացկանութիւն անել, կը թափառին դաշտերու մէջ իրենց անմեղ զաւակներով, վայրենի պտուղներով և

ՀԱՅԱՍՏԱՆԻ ԹՇՈՒԱՌՆԵՐԸ 39

դեռ չհասունցած ցորենի և գարիի հատիկներով կը կերակրուին և շատ անդամ ալ անօթի, մերկ կը հեծեն : Մինչեւ ցարդ մեր ազգի մէջ կարեւորութիւն չէ արուած այս մահացու հիւանդութեանը դարման մը տանելու . ասի իբրև օրէնք ձանչցուած է հայ ժողովրդեան մէջ, բայց աղքատ մասը դարձեալ կը վախնայ ու կը սոսկայ այդ վաշխառուներէ. հեռի կը փախչին անոնցմէ որպէս սադայէլմը, վասն զի գիտեն որ նոքա հոտոտելու ծաղիկներ չեն . Եթէ կուզես Հայաստանցի մը անէծք կարդալ, ըսէ նրա. «Կը իննդրեմ Աստուծմէ որ վաշխառուներու հետ գործ ունենաս» : Նա այդ խօսքերէն մեծ սոսկում կզգայ : Յովմէկի մէկ տարուամ մէջ երեք անդամ վըճարած էր գործակատարին իր ընտանեացը արուած ծանր տոկոսաւոր գումարը :

Երբ Յովմէկի պանդխսութեան առաջին տարին լրացաւ, նա երկրորդ նամակ մ'ալ առաւ ընտանիքէն. այս անդամ կիմացնէին թէ Երանիկ մանչ զաւակ մը ծնած էր . նրա ընտանեկան սէրը առա-

40 ՀԱՅԱՍՏԱՆԻ ԹՇՈՒՄԱԴՆԵՐԻ  
ւել եւս սկսաւ բորբոքիլ սրտին խորը .  
բայց հայրենիք վերադառնալու համար  
դեռ չէր պատրաստուած , այսինքն չու-  
նէր դրամական կարողութիւն : Նա կը  
շարունակէր իւր աշխատութիւնը : Յով-  
սէփ իւր հաւատարմութեամբը սիրելի  
եղած էր փաշային . աւելի սիրելի էր չէր-  
քէզուհիներէ միոյն որունն անունն էր  
Սաաֆինազ . սա ամեն ատեն կը խօսակ-  
ցէր Յովսէփին հետ առանց իւր գէմքը  
լաշակով ծածկելու . Մուհամմէտի պատ-  
ուիրած նամէհրամի օրէնքը անգործա-  
դրելի էր Յովսէփի մասին , վասն զի նա  
ընտանի եղած էր : Սաաֆինազ գրեթէ  
ամեն անգամ կը հարցնէր Յովսէփին թէ  
ամուսնացեալ է և թէ քանի՞ զաւակ ու-  
նի , կինը գեղեցի՞կ է թէ տգեղ , քանի՞  
տարեկան է , կը սիրէ՞ թէ ո՛չ , և լու Նրա  
այս անբարոյական մտքով հարցմանցը  
ձշմարտութեամբ կը պատասխանէր Յով-  
սէփ ամացելով . և ի՞նչ էր այդ չէրքէ-  
զուհւոյ միտքը . այդ հարցմունքներով  
ի՞նչ ըսել կուզէր նա . առի Յովսէփ չէր  
կարող հասկնալ : Սաաֆինազ սիրահարած  
էր Յովսէփին : Վարդան նախապէս գոր-

41 ՀԱՅԱՍՏԱՆԻ ԹՇՈՒՄԱԴՆԵՐԻ  
ծը իմանալով սկսաւ Յովսէփին բարոյա-  
լից խրատներ տալ այդ կատղած արա-  
րածներուն նկատմամբ և կղզուշացնէր  
զինքը որ հեռի փախչի անոնցմէ : Վար-  
դան աւելի փորձառու ըլլալով , կըսէր  
Յովսէփին . Որդեակ իմ , նոքա վնասակար  
և վտանգաւոր չարաճճներ են , նոքա  
օձի խորամանկութիւնն ունին : Սաաֆի-  
նազ երկայնահասակ որպէս երիտասարդ  
նոճի , 18 տարեկան , գեղեցիկ , աշխոյժ ,  
նիշար կազմով , կապոյտ աչերով , խար-  
տիշագոյն մազերով և բաւական ալ բա-  
րեմիտ էր որպէս զի չարամիտ լինելու  
անհաջոյ համբաւը չունենայ իր սիրել-  
եացը առջեւ . նրա առաջին վարդը Ա...  
փաշայն քաղած էր . մէկ խօսքով նա ոչ  
կին էր և ոչ օրիորդ : Ուրբաթ օր մ'էր .  
օդը գեղեցիկ , զով ու խաղաղ առաւոտ  
մը . Ա... փաշայի ամբողջ հարէմը կը  
պատրաստուէր կառքերով պտոյտ մ'ը-  
նելու դէպի Հայտար փաշայի կողմերը .  
չէրքէզուհի աղախինները կը զարդար-  
ուէին , բացի Սաաֆինազէ . նա անտար-  
բեր կեցած էր : Ընկերուհինները հարցու-  
ցին թէ ինչո՞ւ չզարդարուիր . նա պա-

42 ՀԱՅԱՍՏԱՆԻ ԹՇՈՒԱՌՆԵՐԸ  
տասխանեց թէ տկարութիւն մ'ունի :  
Խորամանկը հիւանդ կը ձեւանար որպէս  
զի ապարանքին մէջ մինակ մնալով Յով-  
ոէփին հետ ազատ տեսակցութիւն մ'ընէ :  
Կէս օրը մէկ ժամ անցած էր . փա-  
շային կինը ֆաթիմէ հանըմ իւր երեք  
չէրքէզուհիներով մեկնեցաւ , այդ ահա-  
գին չէնքի մէջ թողլով մինակ Սաաֆինազը :  
Այս չարամիտը անմիջապէս ելաւ անկող-  
նէն , իւր ամառնային բարակ մետաք-  
սեղնները հագաւ , մազերն անուշաբոյր  
իւղով սանտրեց և խառն ի խուռան ծո-  
վու ալեաց նման ետեւը թողլուց որ մին-  
չեւ սրունքները կիշնէին : Յանկարծ Յով-  
ոէփի սենեկին ելեքտրական զանդակը  
հնչեց . նա վազեց դէպի հարէմի դուռը .  
Սաաֆինազ դողլոջուն ձայնով նրա ա-  
նունը տուաւ . երկու վայրկեան վերջը  
Յովսէփ չէրքէզուհւայն գրկացը մէջ էր : Ե-  
րիտասարդը այդ տեսարանէն վախճախով ,  
աենդ ունեցողի մը պէս կը դողլար , կա-  
զաչէր որ զինքը թողլու . բայց Սաաֆի-  
նազ ուժգին նրա բազուկներէն բռնած  
անընդհատ սիրոյ արցունքներ կը թա-  
փէր , Յովսէփին ըսելով . Անկարելի է որ

ՀԱՅԱՍՏԱՆԻ ԹՇՈՒԱՌՆԵՐԸ 43  
ձեռքէս ազատիս . պէտք է որ սիրես զիս ,  
ապա թէ ոչ կորսուած ես . գիտցի՛ր որ  
քու գեղեցիկ երիտասարդութիւնդ խո-  
նաւ բանտերու մէջ պիտի վերջանայ ,  
թշուառ պիտի լինիս , վերջապէս պիտի  
մեռնիս առանց հայրենիքդ վերադառնա-  
լու : Խակ Յովսէփ կը պատասխանէր հեծ-  
կըլտալով . Աւելի լաւ է որ պատիսս  
պաշտպանելով մեռնիմ , քան թէ ան-  
պատուութեան տղմին մէջ թաթիմեմ ա-  
նունս . Ես աշխարհի վրայ միայն իմ ըն-  
տանիքս սիրեցի , ուխտեցի միշտ հաւա-  
տարիմ մնալ նրա . անընդունելի է քու  
առաջարկդ . կազմչեմ , գթա՛ իմ վը-  
րաս ու թո՛ղ զիս : — Ոնօ՛րէն , գոչեց  
Սաաֆինազ ատամները կրծտելով . չե՞ս  
ուզեր հնազանդիլ քու տիրուհւոյդ : —  
Այո՛ , կը հնազանդիմ , բայց ոչ թէ քու  
այս անպատիւ առաջարկութեանդ որ եր-  
կուքնիս ալ պիտի մըէ կորստեան վիհը :

Չէրքէզուհին տեսնելով Յովսէփի դի-  
մագրութիւնը , զսպեց ինքզինքը և ըս-  
կուաւ մեզմաբար խօսիլ . — Վերջապէս  
կը մերժե՞ս իմ սէրս . կուզե՞ս թշուառ ը-

նել զիս, վերջին պատասխան մը տուր ինձ, թող բացուին քաղցր շրթունքներդե խօսին, բառ մը միայն զիս երջանիկ պիտի ընէ :

ՍատՓինագի այս խօսքերուն վրայ Յովսէփի սեւ աչաց եղրը երեւաց ճշմարիտ արտօսր մը : Մարդս ամեն բանի զէմ կարող է մաքառելու, բացի սիրոյ զգացմունքէն : Յովսէփ քսանամեայ երիտասարդ մ'էր, կուզէր սիրել գեղուհի մը, կը կարծէր որ նա երջանիկ պիտի ընէր զինքը : Առաջին անդամ մտարերեց իւր կնօջը արտասուքը որուն ականատես եղած էր հայրենիքէն բաժնուելու ատենն . բայց այս վայրկենին բոլորովին մոռացաւ նա : Բոպէտիան լուսթիւն մը տիրեց երկուքին մէջ . վերջապէս խոստացու չէրքէզուհոյն որ պիտի սիրէ զինքը, սա պայմանաւ որ այդ գալոնիքը միայն Աստուծոյ և երկուքներնուն մէջ մնայ : ՍաաՓինագ երբ լոեց Յովսէփի բերնէն այս խօսքերը, յանկարծ նրա գալանային աչացը մէջ երեւաց դիւտկան ուրախութեան փայլ մը . Յովսէփ մունջ և սառած կը կենար անոր համ-

րոյրներուն ներքեւ : Այսպէս մի քանի վայրկեան նոքա մնացին լուռ գրկախտոնութեան մէջ ... :

Երկուքն ալ կորսուած էին... :

## Ե

Երեկոյ էր. արեւը սկսաւ խոնարհիլ դէպի իւր գիշերային օթեւանը . կառքերը վերադարձան իրենց սովորական պտոյաէ : Ֆաթիմէ ուղղակի գնաց կեղծհիւանդուհոյն սենեակը . նա ուրախութենէն անզգայ վիճակի մէջ կը քնանար . այս քունը կը կոչուի սիրոյ Փիզիքական հանգստութիւն : Քիչ մը վերջը ՍատՓինագի միւս ընկերուհիներն ալ գալով, հիւանդութեանը վրայ տեղեկութիւն ուղեցին . նա իմաց տուաւ որ փոքր ինչ անհանդիսաւ էր և թէ քնանալով հիւանդութիւնը փարախուած է . ոչ ոք բան մը գուշակեց նոյն օրուան տեղի ունեցած եղելութեանը վրայ : Անցան մի քանի օրեր . չէրքէզուհին երբ կը տեսնէր Յովսէփը, գրեթէ ամեն անդամ նրա գէմքը ուրախութեան լուսով կը պայ-

ծառանար . նա գաղտնապէս մի ծրար տուաւ Յովսէփի և ըսաւ անոր . — Այս գումարը ընտանեացդ զրկէ . և եթէ դարձեալ դրամի պէտք ունենաս , պատրաստ եմ օգնելու : Յովսէփ առաւ ծրարը . առանց բանալու պահեց զայն իր մահճակալին մէկ անկիւնը : Երեկոյին երբ հանգստանալու համար մտաւ սենեակը , ձեռքերը գողդվալով բացաւ ծրարը , տեսաւ քսուն հատ օսմանեան ոսկի . նա երբէք չուրախացաւ . իրեն այնպէս կըթուէր թէ գողութեամբ ձեռք բերած էր այդ ոսկիները : Զէրքէզուհին ոչ միայն մոլցնաբար կը սիրէր զՅովսէփ , այլ եւ բուռն եռանդ կը զգար անոր համար . երբ առանձին կը տեսնուէին , կըսէր անոր . — Այսուհետեւ քու բարեկամուհիդ եմ . չեմ ուզեր որ քու խորհրդոցդ մին անձանօթ մնայ ինձ . որչա՞փ գեղեցիկ , որչա՞փ քաղցր բան է սրտի և գաղափարաց մաերմութիւնը որք ամեն ժամանակ մեզ ներկայ կընեն իրարու մօտ . ահա կը տեսնես որ կը նուազիմ սրտիս և բաղձանացս կրակէն , կը հալիմ ինչպէս կը հալին մարտ ամսոյ ձիւներն արեւուն

ձառագայթներէն . յաւիտեան անձնուէք պիտի լինմիմ քեզ , միայն թէ քու սիրուն դէմքդ աչացս առջեւը լինի . Յովսէփի , դուն իմ արեւս ես , ուրախութիւնս , երջանկութիւնս և յօյս ես , առանց քեզի կեանքը դատարկ և դժգոյն կերեւի ինձ . երբ քեզի հետ եմ , արքայութեան մէջ կը կարծեմ ինքզինքս . վերջապէս դու իմ անմահ և պահապան հրեշտակս պիտի լինիս : Սատփինազ այսպէս ջերմ սէր ցոյց կուտար պանդխատին . իսկ Յովսէփի , տարաբարդն , յիմարաբար կը սիրէր զնա : Անցան մի քանի շաբաթներ . օր մը Սատփինազ ծրար մը եւս տուաւ Յովսէփին և խնդրեց օր իւր լուսանկար պատկերն հանել տայ . նա ընդունեց սիրուհւայն խնդիրքը . մէկ հատ տուաւ նրա , երկու հատ ուղարկեց ծնողացը և մէկ հատ ալ նուիրեց Պետրոսի :

Յովսէփի այս ընթացքը հազիւ տեսեց երեք ամիս , օր մը յանկարծ հիւանդացաւ . նա առաջ ուժեղ էր որպէս Հէրքիւլէս , իսկ այժմ կմախք մը դարձած էր . դէմքը ստացել էր թռումած տերեւի գոյն , մատներուն ոսկորներն միայն կե-

բեւէին . մէկ խօսքով մեռել մը դարձած  
էր նա : Երբ տեսաւ որ այլ եւս անկարե-  
լի է աշխատիլ , խմաց տուաւ Վարդանի  
իւր հիւանդութիւնը . Վարդան աղաչեց  
փաշային որ դարմանել տայ Յովսէփը .  
փաշան անմիջապէս յանձնարարագիր մը  
տալով ուղարկեց Հայտար փաշայի հի-  
ւանդանոցը : Հիւանդանոցը պանդիտին  
համար մի դուռ է ուսկից կը բացուի  
ճանապարհ դէպի գերեզման : Հիւանդը  
ընդունուելէ յետոյ երկրորդ յարկի վրայ  
թիւ օ մենեակը դրուեցաւ . ամեն օր  
կայցելէր զինուորական հայազդի բժիշկ  
գնդապետ Տոքթ . Բարունակ . Հիւան-  
դութիւնը անէմի (անարիւնութիւն) էր .  
մեծ խնամք կը տանէին անոր փրայ : Տոքթ .  
Բարունակ իր արհեստին հմտութեամբը  
գուշակած էր որ նրա հիւանդութիւնը  
անառակութենէ ծագած է : Յովսէփի  
հիւանդանոց փոխադրուելն երկու օր  
վերջը փաշան այցելեց իւր հաւատարիմ  
... ծառային . երբ հարցուց բժշկապե-  
տին նրա վիճակը , հետեւեալ պատաս-  
խանը առաւ . Հրաշք կը լինի եթէ շա-  
բաթն անցունէ . բայց այսու ամենային

ամեն ջանք ի գործ պիտի դրուի . դուք  
հանգիստ եղիք : — Յիրաւի գովելի պիտի  
լինի ձեր առաքինութիւնը եթէ աղասէք  
մի թշուառ անձի կեանքը , յարեց փաշան  
չարախմեաց ժպիտով մը . յետոյ դար-  
ձաւ Յովսէփի , մարդասիրաբար միմիթա-  
րեց զանի . հարցուց թէ ունի՞ ուեէ ը-  
սելիք մը : Հիւանդը իր չորցած ձեռքը  
տարաւ կնձիւներսվ պատած ճակատը .  
վայրկեան մը կեցաւ լուռ և ապա շարու-  
նակեց : Միայն սա խնդիրքը ունիմ Զեր  
վաեմութեան . եթէ մեռնելու լինիմ , իմ  
ընտանիքս թշուառ չըլլալու համար Զեր  
խնամակալութեան կը յանձնեմ . զջեզ  
իրբեւ հայր կը ճանչեմ և կը խնդիրեմ որ  
Զեր օգնութիւնը չզլանաք թշուառ ան-  
ձի մը ընտանեացը . իմ յոյս Զեր վրայ  
պիտի լինի . ոչ թէ միայն կենդանութեան  
ատեն , այլ մեռնելս վերջն ալ գերեզ-  
մանիս մէջ իմ ախտոր սոկերքս երախտա-  
պարտ պիտի լինին Զեզ : Յովսէփի այս  
սրտաճմիկ խօսքերուն վրայ փաշային ա-  
չացը մէջ երեւացին մարդարտաճեւ մի  
քանի արտասուք . ինչալէս որ ըսի նա-  
խապէս , նա գթասիրտ և մարդասէր մի

մահմետական էր . Յովսէփի առաջարկը ամենայն սիրով ընդունեց և գրաբանէն թղթի կտոր մը և մատխո մը հանելով , նշանակեց Յովսէփի անունը , մականունը , ծննդավայրը . ասի ճշմարիտ վկայութիւնը մէր թէ Յովսէփի մեռնելէն վերջը իւր խոստանունքը կը կատարէ . յետոյ նրա բարձին տակը ն մէճիտ դրաւ ու հեռացաւ , խոստանալով որ մի քանի օր վերջը դարձեալ պիտի այցելէ :

Յովսէփի մտերիմ բարեկամը Պետրոս իմանալով նրա հիւանդութիւնը , Վարդանի հետ այցելեցին . երկուքը նստան հիւանդի անկողնոյ աջ և աշեակ կողմերը . հարցուցին առողջութիւնը . այդ հալումաւ էակին նիհարութենէն շունչը կը նուազէր . երբ բառ մ'արտասանէր , անմիջապէս պազ քրտանց մէջ կը մնար . հազիւ կարող էր նա շարժիլ իւր մահուան անկողնոյն մէջ . նա վերջին աստիճան գունատ , աշերն փառն իջած էր և խորշոմ մը կը կնձռէր իւր գեղնագոյն ճակատը :

Վարդան դիտէր որ նրա հիւանդութեան պատճառը Սաաֆինազ եղած էր .

ծերունին սրտին ցաւէն չի կրցաւ համբերել . Որդեա՞կ իմ , ըստ . եթէ դու իմ խրատներուս ականջ գնէիր , այժմ զքեզ այս ցաւալի վիճակին մէջ չպիտի տեսնէի . այն հրէշուհիները աշխարհ եկած են երիտասարդաց գերեզմաններ բանալու համար . նոքա ստեղծուած են թշուառ մայրերը լացնելու համար . նոքա տղրուկի նման մարդուս արիւնը կը ծծեն , ինչպէս որ Սաաֆինազ քու արիւնըդ ծծեց . այժմ եթէ նա զքեզ այս վիճակի մէջ տեսնէ , նրա սիրաքորդոք ու դժոխային սիրտը կը զովանայ . այլ ևս ատելի էակ մ'ես գու նրա համար , վասն զի նա յաղթեց քեզ , թառամեցուց քառա երիտասարդ ծաղիկ հասակդ . նոքա այտնի ոճրագործներ են . այդ ապարանքները անոնց համար թանձր քու ին սրաւն տակ կը ծածկուին իրենց ոճրանքներն Յալսէփ անկ զնին մէջ պառկած մտիկ կը մէր Վարդանի խօսքերուն . Պետրոս ալ հետաքրքիր էր իմանալ թէ ի՞նչպէս այդ սերտ բարեկամութիւնը յառաջ եկած էր իր և չէրքէզուհւոյն մէջ : Յովսէփ հեւալով պատմեց եղելութիւնը և երբ վերջա-

յուց պատմութիւնը , նրա աչքերէն ըստ-  
պառուող արտասուքը մեղմ կաթիւնե-  
րով կը գլորէր ցամաք երեսին վրայ : Վեր-  
ջապէս երկու հայրենակիցներն մխիթա-  
րելով հիւանդը մեկնեցան : Ճիշդ հինգ  
ամիս անցած էր նրա հիւանդանոց փո-  
խադրուելէն . նրա վիճակը օրըստօրէ կա-  
պաքինէր . բժիշկը իւր նախնական գու-  
շակութեամբը խաբուած էր . կան այն-  
պիսի հիւանդութիւններ որ շատ անդամ  
բժիշկը անդարմանելի կարծելով , հի-  
ւանդին մահուան վճիռը կուտան . և երբ  
հիւանդը լաւանայ , ատի բնութեան գոր-  
ծըն է կլանն : Յովսէփի այս վերջին տե-  
սակէն էր . նրա վատանդաւոր վայրիկեան-  
ները անցած էին . մէկ խօսքով , նա ա-  
զատած էր մահուան ձիրաններէն : Չմեռը  
վրայ հասաւ . բժշկապետը իմաց տուաւ  
փաշային թէ պէտք է որ Յովսէփի ամ-  
բողջ ձմեռն հիւանդանոցն անցունէ , վա-  
սըն զի նա դեռ նիշարութեամբ կը տա-  
ռապէր :

## Զ

Այժմ գառնանք այն հրէշուհւոյն վրայ  
մի տեղեկութիւն տալ ազնիւ ընթերցո-  
ղաց : Յովսէփի հիւանդանալէն 5 ու կէս  
ամիս վերջը , Սաաֆինազ ալ անկողին ին-  
կած էր . նա մահճին մէջ չէր կարողշար-  
ժիլ . օրը երկու անդամ Տօքթ . Աթշապէյ  
կայցելէր : Ընթերցո՞ղ , արդեօք ի՞նչ էր  
չէրքէզուհւոյն հիւանդութիւնը :

Յղութիւն :

Ո՞րմէ :

Յովսէփէ :

Անէ՛ծք նրա գլխուն :

Սաաֆինազի ծննդաբերութիւնը մօա  
էր , այսինքն երկու շաբաթ յետոյ նա  
անպատիւ մայր մը պիտի լինէր . վախն  
ու կասկածը իւր սրտին մէջ օրըստօրէ  
կաձէին . յղութեան վերջերը քանի կը  
մօտենար ծննդաբերութիւնը , այնչափ  
մահուան երկիւղն կը գրաւէր զնա . կը  
կարծէր թէ այն ձգնաժամին չպիտի կա-  
րենայ գէմ դնել . մէկ խօսքով իւր կո-  
րուստն կարտասուէր : Ա... փաշան կը  
կարծէր թէ ծնանելիք երեխայն իւր ա-

րիւնէն սերած է : Ցիմարը կը լիսաբուէր  
և նրա ծնողի հանգստութեանը համար  
ամեն միջոց ի գործ կը դնէր գորովանօք.  
կը պաշտէր զնա իբրեւ գիցուհի :

Փաշայի ապարանքին մէջ եղողները ի-  
մանալով որ իրենց տէրը քիչ օրէն զա-  
ւակ մը պիտի ունենայ , անբացատրելի  
ուրախութեան մէջ էին , բայցի Վար-  
դանէ , քանզի նա տեղեակ էր բոլոր  
գալունեաց : Ա . . . փաշան մինչև այն օրը  
զաւակ չէր ունեցած . նա կը նմանէր ան-  
պտուղ ծառի մը . նախապէս մի քանի  
աղջկի առած և թողած էր զաւակ չծնա-  
նելուն համար . բայց ինքն էր յանցաւո-  
րը այդ մասին ... :

Սաաֆինազի յղութեան վերջին երկու  
շաբթին աւ լրացաւ . կէս գիշեր մօտ էր  
երբ նրա ցաւը բոնեց . զինքը գարմանող  
բժիշկը , տօքթօր Աթա պէյ , ժամանակին  
հասաւ . նա մի լաւ մանկաբարձ էր :  
Սաաֆինազ անհնարին տագնապներու  
մատնուած , իր արտասուքը կը կլնէր ,  
իւր հառաջները հեղձամղձուկ կը խեղ-  
դէր . արեան շրջանը մեծ արագութիւն  
ստացած էր , երակներն ուժգնակի զար-

նելով . լանջաց ուժգին եւեւէջը կը  
ցուցնէր շնչառութեան արագութիւնն ու  
նեղութիւնը . սառն քրտունք կողողէին  
իւր հրավառ գէմքն . աչերն արտասովոր  
փայլ մ'ստացած , արեամբ լցուած , կար-  
ծես թէ ակնակապիհներէն (orbite) դուրս  
ցայտելու վրայ էին . յանկարծ վերջին ,  
այլ սրտապատառ մի ճիշ թռաւ իւրկուրծ-  
քէն , որուն նոյն հետայն մի ուրիշ ձայն  
պատասխանեց :

Այդ ձայնը նորածին երեխայի առաջին  
ճիշն էր :

Մանկարձն այդ փափուկ գործողու-  
թիւնը ամենայն յաշողութեամբ վերջաց-  
նելէ և պէտք եղածը պատուիրելէ յետոյ  
մեկնեցաւ , 50 սոկի նուէր մ'եւս ընդու-  
նելով Ա . . . փաշայէն :

Երեխայն իգական սեռէ էր :

Նա ամենայն ճշգութեամբ իւր հօրը  
(Յովակի) նմանութիւնն ունէր :

Երկու շաբաթ վերջը երեխային ան-  
ուանակոչման հանդէսը կատարուեցաւ .  
կարծեցեալ հայրը նրա անունը դրաւ  
Աէլիմէ . ըստ մահմետական օրինի , կըն-  
քահայրութեան պաշտօնը երեխային հայ-

րը կը կատարէ : Շաբաթ՝ մը չարունակ ապարանքին մէջ հարսանեաց հանդիսի նըման խնջոյք տրուեցաւ . Պօլսոյ զանազան կողմերէ փաշային թռւրք պաշտօնակիցները և բարեկամները իրենց ընտանեօք հանդերձ կայցելէին երեխայն տեսնելու համար և ծանրագին նուէրներ ընծայելով Սաաֆինազի կը մեկնէին :

Այն օրերը Պետրոս եկած էր Վարդանը տեսնելու . նա իմացաւ չէրքէզուհւոյ ծննդաբերութիւնը և վազեց գնաց հիւանդանոց , Յովսէփի իմաց տալու : Երբ լսեց Յովսէփ այս լուրը , նրա դեղնագոյն դէմքի վրայ երեւաց մի չարախնդաց ժըպիտ , վասն զի նա ապօրէն հայր մ'եղած էր : Երկար ատեն խօսակցելէ յետոյ , Պետրոս խորհուրդ կուտար թէ հիւանդանոցէն ելնելէ վերջը պէտք է որ անպատճառ հեռանայ կ . Պօլսէն և բարեկամար կըսէր Յովսէփի . Աս խոտացած եմ որ երբէք չբաժնուիմ քեզնէ . դարձեալ երկուքնիս միատեղ կը մեկնինք տակէ , մի քանի տարի եւս պանդիստութեամբ կանցունենք ուրիշ երկրի մէջ , փող կը վաստկինք և յետոյ կը դառնանք

մեր ընտանեացը գիրկը . և եթէ երկրորդ անգամ հարկ լինի պանդխտութեան ելնել , դարձեալ կրնաս գալ Պօլսա . մինչև այն ատեն ամեն ինչ փոխուած՝ կը լինի և ամեն բան կը մոռցուի : Յովսէփ զայրացմամբ ընդհատեց նրա խօսքերը ըսելով . ի՞նչ . միթէ՞ կայ վտանգ մը ինձ համար Եթէ երկար ատեն հս կենամի՝ Այս' , պատասխանեց Պետրոս . Եթէ փաշան իմանայ այս գաղտնիքը , գիտցիր որ երկուքնիդ ալ կորուած էք . կարելի է որ ներէ Սաաֆինազի , բայց քեզի ո՞չ . դու չե՞ս գիտեր որ այս ազգը քրիստոնէից ժանտախան է . թրքուհի մը կեավուոէ մը յզի մնայ և զաւակ ծնանի՛ . ի՞նչ սարսափելի ոճիր . Եթէ այս գաղտնիքը լուծուի , պէտք է որ դու կամ մեռնիս և կամ թրքանաս . բայց ես կը հաւատամ որ վերջինը պիտի լինի , վասն զի նօքաըստ Մուհամմէտի պատուէրին բռնութեամբ ընդունել պիտի տան քեզ այդ խայտառակ կրօնքը . մտածէ՛ , բարեկամ' . յետին զգջումն անօգուտ է , անպատի չէրքէզուհւոյ մը սիրոյն զոհ լինելն յիմարութիւն է , ո՞չ թէ իմաստութիւն .

անոնց սէրը երիտասարդաց դահկմն է, անոնց ժամաներն խարեպատիր են . ուղնկոլս մի ըներ պատիւգ , ազգութիւնդ և հաւատոքդ և միանդամյն թշուառ ընտանեացդ արտառքները . եթէ կապուած ես այն հրէշուհւոյ միրոյն հետ , եթէ դեռ կը սիրես զինքը , ա'լ ատէ նըրա անունը և ազգութիւնը ու ես կեցիր այս անպատիւ և վտանգաւոր ընթացքէդ : Յովսէփ ամաչելով այս խօսքերէն , պատասխանեց . Կա՛ւ . կընդունիմ քու բարի խրատներդ :

Գարունը արգէն հասել էր . Յովսէփը դարմանող բժիշկը - հրաման տուաւ որ ելնէ հիւանդանոցէն : Ապրիլ ամսոյն մէջ էր երբ նա բաժնուեցաւ անկէ և դարձեալ գնաց տիրոջը ապարանքը ուր սկըսաւ շարունակել իւր նախիկին պաշտօնը : Սէլիմէ վեցամսեայ առոյգ և գեղեցիկ մի երեխոց եղած էր . փաշան յանձնած էր զայն ապարանքին մէջ մի Արաբուհւոյ խնամակալութեանը : Յովսէփ աեսաւ իւր զաւակը որ Արաբուհւոյ գիրկը առած կը զուարձացնէր պարտէզին մէջ շրջագագելով . Յովսէփ մօտեցաւ նրա , խնդրեց

որ քիչ մ'ալ իւր գիրկը տայ . խնամակալուհին ընդունեց այս խնդիրքը . նա երկար ատեն այդ ծաղկալից պարտիզին մէջ շրջագայեցաւ . երբ կը լսէր Սէլիմէի ճըշիւններն , իւր բոլոր ցաւերն կը մոռնար . երբ կը տեսնէր զաւկին ըրւափայլ գէմքին վրայ քաղցր ժամաներ , կը մոռնար նաեւ Պետրոսի հետ վերջին տեսակցութիւնը և իւր խստմունքը . նա իր սէրը տուաւ Սէլիմէի : Ապերախտ Յովսէփ , մոռացար ուրեմն քու հայրենիքդ . մոռացար խեղճ և անմիմիթար ընտանիքդ ու զաւակդ որուն գէմքը գեռ չես տեսած . վերջապէս մոռացար ազգդ ու հաւատոքդ . վայքեզ , մոլորեա'լ ոչխար . քու ազնիւ ընտանեացդ և անմեղ որդւոյդ անէծքը դահճի մը պէս պիտի հալածէ զքեզ յաւիտեան . գիտցիր որ օր մը հայրենի երկրիդ Մասներն ու հովիտներն ալ անէծք պիտի կարդան քու անյիշատակ գերեզմանիդ վրայ որ Սաաֆինազի սիրոյ արիւնլուայ մագիլներովը պիտի փորուի . նրա սէրը մի դահճէ է որ տապարը ձեռքը պիտի հալածէ զքեզ կատաղաբար . նը-

5

րա շունչը պիտի խամրեցնէ ծաղկի հաւսակդ, ինչպէս ձմեռուան հողմը կը խամբեցնէ անուշաբոյր վարդը. այս՝ կը սիրես դու զայն ինչպէս վագրն իւր արիւնաթաթաւ որսն. կը փախնաս անկէ ինչպէս ոճրագործն ասաղէ մը. բայց դիտցիր որ օր մը այդ սէրդ պիտի խաղաղի մահուան առջեւ, տոելի պիտի լինի յիշատակդ, սոսկալի հայհոյանքներ պիտի ուղղեն ետեւէդ քու հայրենակիցներդ, վերջապէս քու հարազատ որդւոյդ անիծարեր բողոքը Գարբիէլքան փողին պէս պիտի գոռաց ականջիդ ու քու ապերախտ ուկորներէդ վրէժ պիտի պահանջէ:

Յովսէփի Սաաֆինազի սենեկին վանդակապատ պատուհաններուն ներքեւ նըստած, իւր նիհար թեւերուն մէջ կը զըռւարձացնէր Սէլիմէն և ահա յանկարձնիա պատուհանի ապակին զարնուեցաւ: Յովսէփի իւր ամօթալի ճակատը վեր բարձրացուց, տեսաւ իւր սիրուհին ու դողաց. Սաաֆինազ ձեռքերովը նշան մը տուաւ. ըսել կուգէր թէ Սէլիմէն իրեն տանի. Յովսէփի անմիջապէս տարաւ մանկուհին և յանձնեց մօրը. Սաաֆինազ հրամայեց

Յովսէփի որ նստի. նա գողալով նստաւ գալարեայ գորգի մը վրայ: Այժմ առողջ ես, հարցուց Սաաֆինազ տրտմալից ժըպիտով մը: Յովսէփի չպատասխանեց: միայն գլուխը ծռեց դէպի աջ ուսին վրայ. ըսել կուգէր թէ բաւական առողջ եմ: Զէրքէզուհին շարունակեց. Յովսէփի, պէտք է օր դու թողուս այս ապարանքը ու հեռանաս. վասն զի քիչ տաենին մեր մէջ տեղի ունեցած գաղտնի սիրահարութիւնը փաշան պիտի իմանայ և այն տաեն կեանքդ վտանգի մէջ է. դու կարող ես գտնել մի ուրիշ պաշտօն: — Զեր այդ առաջարկը անընդունելի է ինձ, յարեց Յովսէփի սպառնալից դիմօք. քանի մը րոպէ լուս կեցաւ, յետոյ շարունակեց. Սաաֆինազ, դու իմ պերձութեան, գեղեցկութեան և անմեղութեան օրերս թշուառութեան սեւ ամսերով ծածկեցիր, քու արիւնոտ ձեռքերդ իմ ամբիծ ճակախ դրիր անունս արատելու համար. վերջապէս գիակ գարձուցիր զիս և երկար ամիսներ հիւանդանոցի անկողիններուն. մէջ փրտտեցայ անոք և անմիսիթար ողբալով իմ ցաւալի վիճակս: Իմ թշուա-

ոռւթեանս պատճառը ըլլալէ վերջը , այժմ  
կուզես անիրաւութեամբ հալածել զիս .  
Եթէ յաջողիս , գիտացիր որ ետեւէս ահեղ  
վրէժ մը պիտի թողում . ո՞չ , ո՞չ պէտք  
է որ կամ երկուքնիս ալ գրկախառն գե-  
րեզման իջնենք և կամ առջի պէս սիրենք  
զիրար . իմ ճակատագիրս թող հոն կանդ  
առնէ ինչ որ ես վճռած եմ : — Ի՞նչ է քու  
վճիռդ , յարեց Սաաֆինազ ողորմելի ձայ-  
նով : — Իմ վճիռս այն է որ պէտք է այդ  
զաւակը իմա լինի . նրա նմանութիւնը  
ձշմարիտ վկաց մ'է . Եթէ բոլոր աշխարհ  
տեսնելու ըլլաց , անմիջապէս բարձրա-  
ծայն իրաւունք պիտի տայ ինձ ըսելով  
թէ «Սէլիմէ Յովսէփի հարազատ զաւակն  
է» : Եթէ այս գիւրաբորբոք կրակը սըր-  
տիս ծալքերուն մէջ թաղեմ , զիս մինսիր  
պիտի դարձնէ . անոր համար պէտք է որ  
այս գաղանիքը յայտնուի , պէտք է որ  
զաւակ մը ճանչէ իւր հայրը և հայր մը  
իւր զաւակը . արդարութիւնը այսպէս  
կը պահանջէ :

Այս խօսակցութեան միջոցին դահլճին  
մէջ ոտնաձայն մը լսուեցաւ և քիչ մը յե-  
տոյ Սրաբուհին ներս մտաւ . Յովսէփ

գլուխը գետին խոնարհած բաժնուեցաւ ,  
որպէս զի կանանց դէմքը չտեսնէ . քան-  
զի ըստ մահմետական օրինի արդիլեալ է  
այր մարդու մը տեսնել կնոջ դէմքը . ա-  
սի արաբերէն բառով կը կոչուի նամ—  
էհրամ : Մեծ էր Յովսէփի մտատանջու-  
թիւնը Սէլիմէի մասին . վերջապէս նա  
կուզէր վրէժ առնուլ Սաաֆինազէ . եր-  
կար ատեն անցաւ , Յովսէփ այլ եւս չէր  
տեսակցեր սիրուհոյն հետ . ատի սիրոյ  
երկապուակութիւն մ'էր . օր մը գնաց  
Պետրոսի մօտ այս խնդրոյն վրայ խոր-  
հըրդակցելու . վերջապէս երկու բարե-  
կամաց մէջ Սէլիմէն առեւանդելու . որո-  
շումը տրուեցաւ :

Պետրոս մի բարեկամուհի ունէր որուն  
լուալ կուտար իւր ձերմակեղէնները . դի-  
մեց անոր : Այդ կինը կը բնակէր իւսկիւ-  
տար Զիլիֆտար — Պաղչէսի անել փողոցին  
անկիւնը . նա Յօ ատրեկան մի այրի  
կին էր Մարիամ անուն . իրապէս պար-  
կեշտ և առաքինի բնաւորութիւն մ'ու-  
նէր նա . իւր չարաչար աշխատութեամբ  
կը հայթայթէր օրապահիկը . նրա ձեռ-  
քերը խորչակահար էին և կարմիր բիծե-

րով բոլորովին ծածկուած . ատի ճշմարիտ վկայութիւն մ'էր իւր աշխատաւոր կին մը ըլլալուն : Պետրոս սկսաւ պատմել նրա թէ ունի մի հայրենակից որուն կինը երկու շաբաթ առաջ մեռնելով վեցամսեայ զաւակ մը թողած է . այժմ անխընամ վիճակի մէջ ըլլալով որբը , պէտք է յանձնել մի այրի կնոջ . ասի շատ մեծ բարիք մ'է , ըստ . այս առաջարկութիւնը եթէ ընդունիս , գիտցիր որ թշուատութեան անողոք ճիբաններէ հայր մը և զաւակ մը պիտի պատես : Մարիամ իւր ցամաք ծնօտը բոնելով վայրկեան մը մըտածելէ յետոյ ըստ . Կընդունիմ առաջարկութիւնն : Պետրոս խոսացաւ որ ամիսը երկու ոսկի վճարէ որբին սննդեանը համար :

—Ե՞րբ պիտի բերէք երեխայն , յարեց Մարիամ :

—Երեկոյին և կամ վաղն առաւօտ , պատասխանեց Պետրոս ու հեռացաւ :  
Յովսէփ մօտակայ որձարանի մը մէջ կը սպասէր լուր առնելու համար թէ արդեօք Մարիամ ընդունած է Պետրոսի առաջարկութիւնը : Պետրոս խմաց տուաւ

որ երեկոյին պէտք է յանձնուի Սէլիմէն Մարիամի . նա ուրախացաւ և աղաչեց Պետրոսի որ անպատճառ երթայ Ա... փաշոյի ապարանքը իրեն օգնելու համար . այսպէս ժամադիր ըլլալով բաժնը-ուեցան իրարմէ :

Երեկոյին արեւը մարը մօնելէ կէս ժամ վերջը Յովսէփ հարէմը մտնելով տեսաւ որ Սէլիմէ միայնակ իւր օրօրոցին մէջ կը խաղար իւր ձիւնի նման սպիտակ թաթիկները ծծելով . մայրը պարտէզ իջած էր պայտ մ'ընելու . նա անմիջապէս առաւ Սէլիմէն , նրա փոքրիկ թաւ-չեայ ու ոսկի թեթերով բանուած վերմակին մէջ փաթաթեց , յետոյ բագկացը մէջ առնելով դուրս եւաւ : Պետրոս կապահէր գրանը մօտ . յանձնեց նրա : Աչ ոք տեսաւ այս եղելութիւնը :

Կէս ժամ վերջը , Սաաֆինազ վերադաւա պարակէցն : Սենեակը մտնելով տեսաւ որ Սէլիմէ օրօրոցին մէջ չկայ . նա կարծեց որ Արաբուհին առած տարած էր զուարձացնելու համար : Անցաւ կէս ժամ եւս . ո՛չ խնամակալուհին կար և ո՛չ Սէլիմէն , Սարսափելի աղաղակ

մը լսուեցաւ . ապարանքին մէջ եղողները  
ամենքն ալ վազեցին , կարծելով թէ հըր-  
դեհ կայ . այդ բազմութեան մէջ էր նաև  
Յովաչի : Սաաֆինազ գետնատարած կը  
դողդզար և արտառուք կը թափէր ըսե-  
լով . Ա.Հ. , անիծեալ Արաբուհին զաւակս  
առեւանգեր է . կալաչեմ , օդնութեան  
հասէք . շուտ , գացէք զինքը գտնելու :  
Փաշային բոլոր ծառաները , Յովաչի ալ  
միասին , փողոց թափուեցան . ամեն մէկը  
մէկմէկ փողոց մտնելով Արաբուհին կը  
փնտուէին . իսկ սա արդէն տեսած լինե-  
լով որ Աէլիմէ օրօրոցին մէջէն անյայտ ե-  
ղած էր , ինք յանցաւոր չկարծուելու  
համար երկիւղին որոշած էր հերարձակ  
փախուստ տալու : Միենոյն վայրկենի մէջ  
ոստիկանութեան իմաց տրուելով իւս-  
կիւտարի թրքական փողոցները տակնու-  
վըրայ ըրին Արաբուհին գտնելու համար ,  
բայց չյաջողեցան : Ա.յդ խորամանկ կինը  
ապաստանած էր մի ուրիշ Արաբուհւոյ  
մօտ . նա կախարդուէի մ'էր որ կը բնա-  
կէր Թօփի-թաշի կողմերը : Ա.յդ անտէր  
Արաբուհիները որ կ . Պօլսոյ մէջ բազմա-  
թիւ են , իրենց երիտասարդութեան ատեն

մէծատուն թրքաց ծառայութիւն ընելով  
կապրին . իսկ երբ ծերանան , կամ կա-  
խարդուէի կը լինին և կամ նաւամատոյց-  
ներու վրայ ուր բազմաթիւ թուրք բեռ-  
նակիրներ և փայտ կոտրողներ կը գտնու-  
ին , անոնց տօլմա կը ծախեն հատը 10 փա-  
րայի : Ա.յս արարածները Հրէից նման կը  
պաշտպանեն զիրար , միշտ գաղտնապահ  
և հաւատարիմ են իրարու . եթէ իրենց  
հարցնես , նոքա կըսեն թէ «մենք ենք  
ճշմարիտ մահմետականներ աշխարհի վը-  
րայ» . իսկ թրքաց կը կոչեն իրենց լեզ-  
ուով Նասրէնի որ անհաւատ ըսել է :

Արաբուհւոյն անյայտ ըլլալը անշուշտ  
շատ օգտակար եղաւ Յովաչիի : Սաաֆի-  
նազ երբեմն կը կասկածէր Յովաչիի վրայ .  
բայց երբ կը տեսնէր նորա տխուր դէմ-  
քը , դարձեալ կասկածը կը փարատէր .  
Ա. . . փաշայ ալ մէծ մտատանջութեան  
մէջ էր Աէլիմէի անյայտ ըլլալու մասին .  
նա դուշակած էր որ Սաաֆինազի սրտին  
մէջ կայ մի գաղտնիք , բայց չէր կարող  
հասկնալ . Վերջապէս քիչ ժամանակէ յե-  
տոյ մոռացաւ նա : Արդէն թուրք ազգը  
որդիական սէր և զդացում չունի . թուր-

Քը երբ կամուսնանայ ու մի քանի որդուց տէր կը լինի , կը տեսնես օր մ'ալոր անտէր թողած է իւր կինը . թողած է նաև զաւակները ու մի ուրիշ կնկան հետ ամուսնացած է . նա ալ եւս կը մոռնայ իւր զաւակները . անկից յետոյ նոքա տտելի էսկներ կերեւին իւր աչացը , թըրքուհին ալ ձիշտ իւր այրին պէս կը մոռնայ զաւակը , այն զաւակը զոր ինք անհանդուրժելի ցաւերով , ճգնաժամեր անցուցած , կեանքը վատանդի ենթարկած , հազար ու մէկ սրտաձմիկ ձիշերով ծնած է : Խնչո՞ւ քրիստոնեացք աւելի սէր կունենան իրենց զաւակաց փրայ , քան թէ մահմետականք . վասն զի մահմետական մայրերը իրենց սէրը տուած են անտակութեան . նոքա աւելի յառաջ գացած են սիրոյ գեղմութեանը մէջ . թէ՛ հարուստ և թէ՛ աղքատ , տիւ և գիշեր իրենց մոտածութիւնը , խորհրդակցութիւնը միշտ սիրահարութեան փրայ է . նոքա ընտանեկան կենաց ասպարիզին մէջ տւելի կը յետադիմեն քան թէ կը յառաջադիմեն . իսկ քրիստոնեայ կանայք՝ ընտանեկան սիրոյ տուած են ինքինքնին :

Սէլիմէի առևանգման լուրը Կ.Պօլոյ մի քանի լրագրաց մէջ հրատարակուեցաւ . միայն կը յիշեմ «Փունջ» լրագրոյ 1865 թուականի յունիս 26ի 248 թիւն . իսկ միւս լրագրաց թիւերն չեմ յիշեր : Պետրոս նոյն երեկոյ Սէլիմէն յանձնած էր Մարիամի . խեղճ կինը ուրախացաւ վասն զի իւր երկամեայ որդւոյն ընկեր մ'ալ գտած էր : Մարիամ հարցուց Սէլիմէի անունը . իսկ Պետրոս կնքահայրի մը նման պատասխանեց . անունը Նազենիկ է :

Այդ անունը Պետրոսի վախճանեալ մօր անունն էր :

Պետրոս կանիիկ տուաւ երկու ոսկի Սէլիմէի սննդեանը համար և ըստու թէ՝ մի քանի օր փաղոց մի՛ հաներ , մինչեւ որ վարժուի . ես դարձեալ կուգամ ամսականդ վճարելու : Մարիամ և ոչ մի բան հասկցաւ Պետրոսի խօսքերէն : Այդ օրէն ամբողջ ամիս մի անցաւ . օր մը Յովսէփ Պետրոսի հետ գնաց Սէլիմէն տեսնելու . հայրը տեսնաւ իւր զաւակը . սա կը քնար փայտեայ հին օրօրոցի մէջ . մօտեցաւ նրան , գուրգուրանօք համբուրեց . համբոյրը արթնցուց մանկուհին . բացաւ

աչերը որպնք իւր մօրն աչերուն պէս կապտագոյն մեծ էին : Այս գեղանի մանկուհին տեսնողը՝ նրա խնձորանման այտերը համբուրելու վափաքը կզգար . աչերն եւս չքեղ յօնքեր ունէին : Յովսէփ երկու բազկացը մէջ քիչ մը խաղցնելէ յետոյ թողուց տախտակամածին վրայ և մօտեցաւ Մարիամի որդւոյն, սկսաւ խաղալ անոր հետ ալ . Պէտք է գիտնալ որ այս հասակի էակները շուտ կընտանենան : Մարիամ որ նոյն միջոցին գուլպայ կը հիւսէր, Յովսէփի դառնալով հարցուց . Նազենիկի մայրը ի՞նչ հիւտանդութենէ մեռաւ : — Ժանտատենդէ (fièvre typhoïde), պատախանեց Յովսէփ : — Է՛ն, երբ տարին լրանայ , դարձեալ կամուսնանաս . Ես կարող եմ գտնել քեզ մի գեղեցիկ ալջիկ, կրկնեց Մարիամ : — Ուրիշ անդամ այդ մասին կը խօսինք , աւելցուց Պետրոս դարձեալ շարունակելով իւր խօսքը . այժըմ աւելի կարեւոր գործի վրայ խօսելու պէտք ունինք . Նազենիկ իւր ծնողացը ձախորդութեան պատճառաւ գեռչէ մկրտուած . այսօր կրնա՞նք այս քըրիստոնէական պարտքերնիս կատարելու :

ՀԱՅԱՍՏԱՆԻ ԹՇՈՒԱՌՆԵՐԸ 71  
— Ի՞նչպէս չէ . ահա հիմայ կերթամ իմ տան երկշիս իմաց տալու , յարեց Մարիամ ու մեկնեցաւ : Քիչ մը վերջը նոր թաղի Ա. Կարապետ եկեղեցւոյ քահանաներէն Տէր Կարապետ Բագրատունի եկաւ Մարիամի առաջնորդութեամբը . այս քահանայն երգիծաբանն մի անձ է . ինչպէս որ իւր գէմքը կը վկայէ , նա աւելի Հրեայի կը նմանի քան թէ Հայու . նախ ողջոյնը տուաւ անծանօթաց երկրին լեզուի ձեւովն . նոքա համբուրեցին աջը և քաղաքավարութեամբ ձեռքերնին իրարու միացնելով սենեկին մէկ անկիւնը ոտքի վրայ կեցան , ինչպէս որ Հայուտանցիք սովորութիւն ունին պատուել կրօնաւորներն : Պետրոս իմաց տուաւ որ եկած են որբը մլրտել տալու . քահանայն ուրախացաւ և առանց վկայական ուղելու շտապաւ գնաց եկեղեցի պատրաստութիւն տեսնելու , վասնզի նա գտած էր մի ոչխար որուն մորթը պիտի առնուր վրայէն : Քիչ մը վերջը Մարիամ և Պետրոս առին Սէլիմէն և իջան եկեղեցի : Տ. Կարապետ Հայրը մկրտութեան արարողութիւնը կատարեց Պետրոսի կնքահայ-

րութեամբ և անունը դարձեալ նազենիկ կոչուեցաւ : Մարիամ նազենիկն առնելով դարձաւ տուն . իսկ Պետրոս մտաւ եկեղեցւոյ սենեակը Տ. Հօր հետ հաշիւ տեսնելու : Տ. Հայրը առաւ թղթի կոտր մը և գրիչ, սկսաւ հաշուեցուցակը պատրաստել . ամբողջ վճարուելիք գումարը 450 զուրուշ էր : Դարձեալ հարստահարութիւն :

Պետրոս ամբողջապէս վճարեց ու մեկնեցաւ, ուխտելով մէկ մ'ալ այդ քահանային գէմքը չտեսնել :

Նոյն օրը երկու անկեղծ բարեկամներն մեկնեցան Մարիամի տունէն իրենց պաշտօնատեղին, խոստանալով որ երկու օր վերջը դարձեալ պիտի աեսակցին Մարիամի տան մէջ :

Սաաֆինազ իւր զաւկի կորստենէն յետոյ սկսաւ դարձեալ սէր և համակրութիւն ցոյց տալ Յովէփի . առաջ խորհուրդ կուտար որ թողու այդ ապարանքը ու հեռանայ . իսկ այժմ առաջինէն աւելի կը սիրէր զնա . շատ անդամներ փաշային առջեւ կը գովէր թէ նա շատ հաւատարիմ և աշխատասէր մի ծառայ է

և կը խնդրէր որ Յովէփի ամսականին վրայ յաւելում լինի . փաշան կը կատարէր Սաաֆինազի խնդիրքը վասն զի իւր չէրքէդուհիներու ամենէն գեղեցիկն էր նա :

Յովէփի ընտանիքը հայրենիքին մէջ երջանիկ էին . ժամանակին առատ գրամ կստանային . միմիայն Յովէփի դէմքը տեսնելու կարօտը կը քաշէին . մէկ տարուան շրջանի մէջ 20 հատ ոչխար ձեռքք բերած էին . իրենց աղքատիկ իրանիթը նորոգելց յետոյ մաս մ'ալ աւելցուցած էին այդ շէնքի : Արջակցիք կը զարմանային թէ քիչ ժամանակի մէջ Յովէփի ի՞նչպէս յաջողած է այդչափ դրամ վաստըկի պանդխառութեան մէջ : Յովէփի ծնողքը կը քաջալերէին Երանիկը ըսելով թէ մէկ տարիէն պիտի վերադառնայ Յովէփի . երանի՛ մեզ որ այնպիսի բարի և աշխատասէր որդւոյ մը տէր ըլլալու բազդն ունեցած ենք . եթէ Աստուած երկար տաեն մեզ թշուառութիւն և աղքատութիւն տուաւ, մեր խոր ծերութեանը տաեն ալ անշուշտ երջանկութիւն պիտի պարզեւէ մեզ : Այսպէս խաբեապատիր

յոյսերով կը միսիթարուէին , չէին գիտեր սր օր մը աւելի մեծ թշուառութեան պիտի մատնուէին նոքա :

## Է

Պետրոս և Յովսէփ որոշեալ օրը գըտ-նուեցան Մարիամի տան մէջ : Գրեթէ ամբողջ օրը գաղտնի խորհրդակցելէ վերջը , որոշում տուին օր հեռանան Պօլսէ . ուր . — դէպի Ուուսիս :

Պետրոս Մարիամի խմաց տուաւ օր մի քանի ամսոյ համար գործի մը պատճառաւ պիտի երթան հայրենիք . աղաչեցին օր լաւ խնամք տանի Նազենիկի : Մարիամ ընդունեց նոյսա խնդիրքը , խոստանաւով օր իրցեւ իւր հարազատ զաւակը պիտի խնամէ զնա : Յետոյ Յովսէփ Մարիամի դառնալով ըստաւ . Այժմ հայրական պարաք մ'ալ պէտք է կատարեմ . գիտէք օր մարդուս կեանքին մէջ շատ դժբաղդութիւններ կրնան պատահիլ . կրնայ ըլլալ որ քիչ ատենէն չկարողանամ վերագառնալ հայրենիքս . բացակայութեանս երկար տարիներէն վերջը երբ տեսնելու

լինիմ , պէտք է որ ճանչեմ զանի . ահա անոր համար նրա մարմայն վրայ պէտք է նշան մ'ունենամ : Այս խօսքերէ վերջը Յովսէփի Նազենիկի աջ բազկին վրայ իր սուր գանակին ծայրովը երկու խաչաձեւ նշաններ ընելէ յետոյ , այդ ձեղքերուն մէջ մի քանի կաթիլ սեւ մելան կաթեցուց : Մարիամ բարակ լաթով մը կապեց վերքը և խնդալով ըստաւ . Արեմն հիմա հանգիստ եղիր . եթէ աղջիկդ ողջ մնայ և 50 արարի վերջն ալ դէմդ ելնէ , դարձեալ այս նշանը տեսնելով պիտի ճանչես : Ճըշմարիս է , պատասխանեց Յովսէփի և վերջին անգամ համբուրեց իւր աղջկան այտերը . շատ արցունք թափեց որպէս սպանեալ զաւ կի մը դադաղի վրայ ու այսպէս հեռացաւ Պետրոսի հետ :

Երկու օր վերջը Պետրոս և Յովսէփ ռուսական Վոլկա անուն շոգենաւով ճամրայ ելան : Զորս օր Սեւ ծովու կատաղի ալիքներաւն վրայ լողալէ յետոյ Վոլկա անվտանգ իւր խարիսխը թողուց Պաթումի առջեւ ուր փոքրիկ մի շոգենաւ փոխադրուեցան : Այդ շոգենաւը Ոփոն

գետը մոնելով աւարաւ հանեց զիրենք  
Փօթիի նաւամատպյցը : Նոյն երեկոյին իւ-  
ջեւանեցին «Քավքասքայա Ոէսթօրացիա»  
անուն պանդոկը : Այս շենքը կը գտնուի  
Փօթիի ամենաստորին փուղոցի մը անկիւ-  
նը և շրջապատեալ է բողանոցներով և  
գինետառներով : այս պանդոկը մի կա-  
յարան է խաղամուաց , մարդասպանաց  
և աւազակաց . հոն կարող ես գանել ա-  
մեն տեսակ մոլութիւններէ պաշարուած  
մարդիկ . Պանդոկապետը մի խարդախ  
հրեայ էր . Վարփ յարկին վրայ գարշահո-  
տեալ մի սենեակ տուաւ երկու ճամբոր-  
դաց , կանխիկ առնելով 60 կոպէկ երկու  
անկողնոյ համար : Այդ անկողնոյ վեր-  
մակները և բարձերը կարծես թէ իւղով  
ծեփուած էին . մարդ աեսելէ յետոյ զա-  
նոնք , անկարելի էր որ այդ գինեմոլուե-  
րու հանգստարանի մէջ պառկէր . սենե-  
կին առաստաղին կախուած էր մրուած  
իւղուապաւ կանթեղ մը և գրանը ետեւ  
աղոտոտ շիշ մը ջուր առանց գաւաթի : Գի-  
շերացին խաւարը սկսաւ թագաւորել ,  
երկու ճամբորդներն մոտան անկողին :  
Առաւօտեան արշալյուը նոր էր ծագած ,

յանկարծ պանդոկին մէջ աղմբալից ձայն  
մը լսուեցաւ . նոյն վայրկենին մեր ճա-  
նապարհորդներու սենեկին դուռը բաց-  
ուեցաւ ուժգին հարուածէ մը յետոյ :  
Պետրոս և Յովաէփ վեր թռան անկողնի  
մէջէն խռովեալ աչքերնին բացին , տեսան  
ոստիկաններու խուռն բազմութիւն մը .  
պանդոկապետ հրեայն երկու հայերը ցոյց  
տալով ոստիկանապետին կըսէր . Այս  
մարդերէ կաօկած ունիմ» : Ի՞նչ էր պա-  
տահէլ , ինչո՞ւ հրեայն ձերբակալել կու-  
տար զիրենք , այս մասին բոլորավին ան-  
տեղեակ էին նոքա : Ուուս Ժանաբարա-  
ները երկու կարծեցեալ ոճրագործներն  
մէջ աեղերնին առած , հրացաններնին  
գէպի անոնց վրայ բռնած , ելան պան-  
դոկին դուրս և սկսան երթալ գէպի ոս-  
տիկանութեան ապարանքը : Ուուս կա-  
ռավարութիւնն , ըստ բարբարոսական օ-  
րինի , առանց բանը ստուգելու նախ և  
յառաջ ձերբակալեալներն մերկացունել  
առուաւ և յետոյ սկսան սօրսափելի կեր-  
պիւ խարսպանով ծեծել զանոնք : Բարե-  
սիրտ Պետրոսը սկսաւ ոստիկանապետի  
ոտքերուն պլլուիլ և աղաչել . բայց այդ

սպային գաղանային սիրութ տւելի ամուռ  
էր քան թէ ապառաժ մը . նա կը հրա-  
մայէր ժանտարմայից որ շարունակեն  
հարուածները . երբ խելքերը անկենդան  
տարածուեցան քարերուն վրայ , հրամա-  
յեց անգութ սստիկանապետը որ կառքի  
մը մէջ դնելով հսկողութեամբ տանին քա-  
ղաքին բանտը : Խոկոյն կատարուեցաւ  
նրա հրամանը :

Արդէն նկարագրած եմ թէ այդ պան-  
դոկը ի՞նչ բանի կը ծառայէ և ինչպիսի  
մարդիկ են յաճախորդները : Վարի յար-  
կի սենեակներէ մին վարձած էր Քիչ զցի  
ծերունի Ուուս մուրացիկ մը . սա բոլոր  
օրը Փօթիի փողոցներուն մէջ մուրացկա-  
նութիւն կընէր և երեկոյին կը դառնար  
սենեակը : Պանդոկապետ հրեայն երկու  
գիշեր առաջ մուրացկանին պառկած սե-  
նեկի դրան բանալիի ծակէն կը դիսէ և  
կը տեսնէ որ ծերունին ոսկիները կը համ-  
րէր . հրեայն կը հեռանայ , հետեւեալ ա-  
ռաւոտուն իւր գատարկաշրջիկ սինլըոր  
բարեկամներէն մին կը կանչէ և տեսածը  
կը պատմէ անոր . երկար խորհրդակիցելէ  
յետոյ վերջապէս մուրացկանը սպաննե-

լու որոշումը կուտան : Դիպուածը այն-  
պէս կը բերէ որ անմեղ ձերբակալեալները  
նոյն օրը շոգենոււէն ելնելով այդ մար-  
դասպանաց պանդոկը կիֆեւանին և միե-  
նոյն երեկոյին հրեայն այն դատարկա-  
շըրջիկ անձի հետ միասին կէս գիշերէ  
վերջը մուրացկանին սենեակը մտնելով  
դաշոյնով կսպաննեն զնա , և դաշոյնն ալ  
անձանօթ Հայոց սենեկին կոտրած ապա-  
կին ներս նետելով կը մեկնին . առաւօ-  
տուն սստիկանք այդ արիւնաներկ դա-  
շոյնը դատած էին անոնց սենեկին մէջ և  
ահա անոր համար կարծելով թէ նոքա  
են մարդասպաններն , այնչափ սարսափե-  
լի կերպով խարազանով ծեծած էին :

Ցովսէփ և Պետրոս քաղաքի բանտին  
վիմափոր սենեակներէ միսյն խորին մոռայլ  
մթութեան մէջ անմիմիթար թողուած է-  
ին . օրուան պայծառ լուսաւորութեան  
ժամանակ չէին կարող նոքա իրարու գէմք  
տեսնել . միայն նեղ պատուհան մը կար  
որ աւելի ծակի մը նմանութիւն ունէր  
քոն թէ լուսամուտի . երթեմն արեգակի  
բարեկ շոգերը երկոտ կերպով ներս կը  
ցոլանային այդ ծակէն , թշուաւները մը-

80. ՀԱՅԱՍՏԱՆԻ ԹՇՈՒՑՈՒՆԵՐԻ  
Խիթարելու համար. այդ սենեկին յատա-  
կը, առասատազը և շորս կողմի պատերը  
միակտուր քարէ շինուած էին. նոցտ պա-  
րանոցին կախուած էին մէկմէկ ծանր շըլ-  
թայ և նոցտ երկու ձեռաց բազուկները  
կապուած էին գարձեալ շղթայով. այդ  
գրութեան մէջ նոքա կը նմանէին ճիշտ  
տախէներու որ փակուած կը լինին եր-  
կամէ վանդակի մէջ : Անցած էր երկու  
տիրո և գեռ հարցաքննութեան չէին ե-  
լուծ . նոցա մօրուքի և գլխի մազերը ան-  
կարգ կերպով աճելով, մի ահանելի տեսա-  
րան տուած էին անոնց կերպուանքին .  
անշարժ նստած էին յարդեայ օթոցի մը  
վրայ որ կը ծառայէր իբրեւ անկողին. մէկ  
խօսքով, այդ այլանդակ չէնքը կը նմա-  
նէր հրէշի մը որոյ թունաւոր շունչը մահ  
և սարսափ կազդէր մարդկային էակաց .  
սպանիչ էր նրա սպառնական նայուածքը.  
երբ բանտարկեալները դառն կերպիւ կը  
շարժէին գլուխնին, շղթայներու շառա-  
չիւնը արձագանդ կուտար իբրենց սրտի  
քարկութեանը :

Առաւօտ մը, բատ սովորութեան, եր-  
կամթեայ ծանր դուռը ճռնչելով բացուե-

ՀՅ.ՅԱՍՏԱՆԻ ԹՇՈՒՑՈՒՆԵՐԸ 81  
ցաւ . բանտապետը լապտեր ի ձեռին ներս  
մտաւ մի քանի հրացանակիր զօրքերով՝  
Բանտարկեալները գլուխնին վերցնելով  
արհամարհական կերպով նայեցան անոնց  
ու նստան յարդեայ անկողին վրայ: Նոցա-  
աչքերը լեցուեցան արտասուքով. ջերմ  
հոսանքը կը թրչէր դժբաղդ բանտարկե-  
լոյ շղթայակապ ձեռքերը . այդ վիմափոր  
բանտի մութ խորշերու մէջն մօտեցաւ  
բանտապետը, լապտերը դրաւ մի ան-  
կիւն, քակեց նոցա շղթայներն ու ըստ .  
Ելէք դուրս, այսօր պիտի տեսնեն ձեր  
դաշտաստանը : Հրացանակիր զօրքերը ա-  
ռաջնորդեցին նոցա ի գատարան : Նոյն  
օրը հարցաքննութիւնը վերջացաւ . դա-  
տաւորը պաշտպանած էր զանոնք, վասն  
զի և ոչ մէկ վկայ կար անդ որ ըսէր թէ-  
նոքա են ոճագործներն . վերջապէս ան-  
պարտ արձակեցին զանոնք նոյն օրը :

¶

Երկու օր վերջը ճամբայ ելան դէպ ի  
թիֆլիս : Դեկտեմբեր ամսոյ մէջ էր այս  
ճամբորդութիւնը . թանձը ձիւնը ծած-  
կած էր հովհանները և ձորերը . լոռ-

րերը լեցուած էին ձիւնով . դառնա-  
չունչ քամին կատաղաբար կը տեղափո-  
խէր ձեան ահագին բլուրները և օդը կը  
մթագնէր սաւուցային թամաք փոշիով .  
կարաւաններու պատապարութեան համար  
շինուած էին յատուկ սուրհանդակա-  
տուններ ուր ամեն երկու ժամը անդամ  
մը կիջնէին : Սարսափելի է այդ կողմե-  
րու երկարատեւ ձմեռը . այս ցամաքա-  
յին երկար ճամբորդութենէ վերջը հա-  
սան Թիֆլիս քաղաք . անդ բաւական ա-  
տեն անդործ մնացին վասն զի Վասպու-  
րականի պանդուխու Հայք ալ բազմաթիւ  
են Թիֆլիսի մէջ . նոքա աստ անդ մշա-  
կութեամբ իրենց օրապահիկը հազիւ կըր-  
նան հայթայթել : Պետրոս և Յովսէփ ի-  
րենց ունեցած դրամը ամբողջապէս վատ-  
նած էին . վերջապէս Պետրոս յուսահա-  
տեալ թողուց իւր ընկերը , մեկնեցաւ  
Ախլցիս դործ մը գտնելու համար . իսկ  
Յովսէփ անօթի և մերկ կը թափառէր  
Թիֆլիսի փողոցները , առանց զգալու գի-  
շերուան սարսափելի ցուրտն . իւր դըժ-  
բազդութեան մտածումէն հալածեալ որ  
չէր բաժնուեր իրմէ , անողոք և հաւա-

ՀԱՅԱՍՏԱՆԻ ԹՇՈՒՄՈՒՆԵՐԸ

տարիմ իւր ստուերին պէս , այս սոսկակի  
թշուառութեան մէջ տարօրինակ երա-  
նութիւն մը ունեցած կըլլար , եթէ Պետ-  
րոս իւր մօտը ըլլար . մոտածեց բերել տալ  
զնա . բայց ի՞նչ ընէր , իւր թշուառու-  
թեան մասնակից ընէր նաեւ զայն . երբ  
ցնցոտիններու մէջ կը թափառէր լայնա-  
տարած փողոցներուն մէջ , կը գուշակէր  
նա թէ ետեւէն եկողները կը դառնային  
և մատով զինքը կը ցուցնէին . ամեն  
մարդ անոր կը նայէր և ոչ ոք բարեւ  
կուտար . անցորդներուն կծու և ցուրտ  
արհամարհանքը՝ ցրաաշունչ քամիի մը  
պէս նրա մարմնոյն և սրտին կազդէր .  
իւր կենացը մէջ ինչպէս սովորած էր չը-  
քաւորութեան , հարկ եղաւ նաև սովո-  
րիւ անօթութեան . երբեմն գլուխը  
կուրծքին ծուած և դառն ժպիտով մը  
կը մօտենար անցորդաց մի քանի կոսէկի  
ողորմութիւն խնդրելու . յանկարծ կոդար  
նա ամօթահարութիւն մը ու ետ կը կե-  
նար դիտաւորութենէն . յետոյ կոկէր  
ատելութեամբ նայիւ այդ մարդոց . զին-  
քը աեսնողները կը հասկնային թէ այս  
անձը թշուառական մուրացիկ մ'է և

կամ թափառաշրջիկ անառակ մը. Յովսէփ այդ վերջինն էր, անպատճեւ և տաժանելի կերպարան մ'առած էր նա. կեանքը և ընկերային կարգաւորութիւնը իրենց վերջին ըսելիքն աւ ըսին նրա . . . ։ Յովսէփ ամեն բան զգաց, ամեն բանի համբերեց, ամեն բան կրեց, ամեն վիշտ տեսաւ, ամեն ինչ կորսնցուց և ամեն բանի վրայ լացաւ. Աւ համակերպեցաւ այնպիսի վիճակի մը որ անսուրբերութեան կը նմանի, ինչպէս մահը քունին կը նմանի. աւ և ոչ մէկ բանէ մը կը դուշանար և ոչ մէկ բանէ մը կը վախնար նա. Եթէ երկինք իւր վրայ վրեւր, եթէ բալոր Ովկիանոս իւր վրային անցնէր, գարձեալ հոգ չէր ըներ նա. միայն իւր սրտին մէջ խաւարային վիշտ մը կը գոյանար. Յայրայեղ թշուառութիւնը լրբութեան առիթ մը կը դառնայ: Թշուառը այն չափ վիշտ կրեւէ յետոյ բոլորովին այլափոխուած էր նա. մազերը այնչափ երեկնցած էին որ ճակատը ծածկելով յօնքերուն վրայ կիյնային. գլուխը դրած էր մի տափակաձեւ ռուսական գլուստի. Երեկու աչերուն մէջ կեղրդնական մշտակայ

պրստում մը կը նշմարուէր բարկացայտ աստղի մը պէս. նայուածքը մժին, բերանը ճմլուած և ահարկու էր. իսկ կերպարանն կը նմանէր գաղանաբարոյ համանակալի մը կերպարանին. մէկ խօսքով ցնորեալ մ'էր նա. փողոցներու մէջ անօթի կը թափառէր և երբ տուներէն ոեզանէ աւելցած կերպակուրներ փողոցը կը թափէին, նա շան նման կը խլէր պատուը և կսկսէր կրծել ուկորներն, մանրելով իւր սուր ատամնէրով:

Փետրվար ամսոյ մէջ օր մը սաստիկ ձիւն կը տեղար, սառն քամին հետպհետէ կը սաստիանար. Յովսէփ ցրաէն գողալով, աքսորական Արագերիացիի մը նըման Յիշլիսի գլխաւոր փողոցին վրայ աեսնուեցաւ. մի քանի վայրկեան յետոյ նա տեսաւ երկձի մի բալխիր որ սրարշաւ կառաջանար գէպի իւր վրայ. Ճիերաւն սանձը կը կառավարէր մի զօրապետ և նրա ետեւի կողմը նոտած էր իւր ծառան. Յովսէփ վազեց ձիշտ ճամբուն մէջ տեղը ուսկից պիտի անցնէր բալխիրը ։ Ճնկան վրայ եկաւ, իւր մարմնոյն երեք մասը անյայտացած էր ձիւնի մէջ, միայն

գլուխը և ձեռքերը կերեւէին . բալմիրը  
մօտեցաւ , ձիերը կեցան , Յովէփ սրտա-  
ճամիկ ձայնով աղաղակեց . «Ոհ , գթու-  
թիւն , գթութիւն . Քրիստոսի սիրոյն  
համար գթա ինձ , տէ՛ր » : Նոյն ատեն  
բալմիրէն ցատկեց երկայնահասակ , սեւ  
և երկայն մօրուքով ՅՅ տարեկան առողդ  
մի անձ . բռնեց Յովէփի բաղուկներէն ,  
մարդասիրաբար վեր առաւ , հրամայեց  
իւր ծառային . «Առ այս թշուառ Հայը ,  
տար մեր տունը : » Նորէն նստաւ բալմիրն  
ու մեկնեցաւ :

Այդ անձը հայազգի գօրապետ (ցեղե-  
րալ) Շոկովնիկեանն էր :

Քաղաքին ժամացոյցը կէս օր կը զար-  
նէր . զօրապետը վերադարձաւ իւր սո-  
վորական պտոյտէն . սրահը մտնելէ յետոյ  
Յովէփը ներկայացուցին : Շոկովնիկեան  
նրա թշուառ կեանքի վրայ տեղեկութիւն  
առնելէ յետոյ հրամայեց իւր մատակա-  
բարին որ մի ծառայութեան պաշտօն  
տրուի իւր ասպարանքին մէջ : Մատակա-  
բարն Ուուրինօֆ անուամբ մի Վրացի ե-  
րիստասարդ էր . նա անմիջապէս ձեռք  
մը քիչ գործածուած զգեստ տուաւ նրա

ու ծառաներու մէկին առաջնորդու-  
թեամբ խրկեց բաղանիք . անկից սափրիչի  
մը խանութմ մտան : Յովէփը բոլորովին  
փոխուեցաւ . տեսնողը չպիտի մանաշէր .  
ալ եւս չունէր այն գաղանային կերպա-  
րանքը . կարծես թէ կենդանանալով նո-  
րէն աշխարհ եկաւ : Նա երէկ գաղան մը  
էր , իսկ այսօր հրեշտակ :

### Յ.

Յովէփի Թիֆլիս ժամանելէն ի վեր ան-  
ցած էր հինգ տարի . նա ո՛չ նամակ գրեց  
ընտանեցը և ո՛չ ստացաւ : Ապերախտը  
բոլորովին մոռցած էր իւր ողբանելի ըն-  
տանիքը . կնոջ և որդւոյն սէրը մարտ-  
էր նրա սրտին մէջ . ալ եւս չունէր որ և  
է զգացում դէպի իւր ընտանիքը . նրա  
ծնողը հետզհետէ նամակ կուղարէին  
ուղղակի Կ . Պօլիս համալ պաշիլի սրճա-  
րանը , կարծելով թէ հօն է նա . իսկ նրա  
հայրենակիցները ամեն անդամ կը պա-  
տասխանէին թէ Յովէփի ուր ըլլալը  
յայտնի չէ , նա հեռացած է Պօլաէն : Յով-  
էփի հայրենակիցները համոզուած էին թէ  
նա Ստաֆինազի ձեռօք կորսուած էր .

բայց այս լուրը երբէք չէին տարածաց -  
ներ , վախճառվով բարբարոս թուրքերն  
որ մի՛ գուցէ զիրենք ալ փորձանքի մը  
հանդիպցունեն :

Յովսէփի ընտանիքը հայրենիքին մէջ  
ծանր պարտուց տակ ձնշուելէ յետոյ , ի-  
րենց ունեցած ոչխարներն և նորոգած  
խրճիթնին ամենքն ալ վաճառելով պարտ-  
քի փոխարէն տուած էին շնորհիւ վաշ-  
խառու Հայոց . անկից յետոյ բոլորովին  
աղքատացած , իրենց օրապահիկը հայթայ-  
թելու բոլորովին անկարող վիճակի մէջ ,  
կը հեծէին անոք և անվիթար : Նոյա-  
սրտին մէջ փշուեցան այն բոլոր երա-  
նական յոյսերը , այն բոլոր ջերմ բաղ-  
ձանքները որ ունեցած էին իրենց միակ  
որդւոյն վրայ . անկից յետոյ նոյա ըլր-  
թունքներէն կը բգիւէին անդադար անէծք  
և դատապարտութիւն . միան Արանիկ  
վրէ ժիմնդիր չէր դէպի իւր ամուսինը , նա  
անարտ էր մնացել իւր սրաի գատողու-  
թենց մէջ : Անցաւ տասն տարի ևս , եղաւ  
ամբողջ 15 տարի Յովսէփի իւր հայրենի-  
քէն հեռանալը . որ մը Փիֆլիսի Մշակ  
լրագրոյ մէջ կ. Պոլսոյ Պատրիարքարանի

մի շրջաբերական ծանուցագիւը կարդաց  
Համեստափայլ Տիկին Շոլկովսիկեան . այդ  
թուականին զօրապետը բացակայ էր Թիֆ-  
լիսէ . նա կը գտնուէր Կարսի կողմերը  
վերջին սուսո-թրքական պատերազմին  
առթիւ : Մշակ այս շրջաբերականը Մա-  
սիս լրագրոյ չեմ յիշեր որ թիւէն առնե-  
լով արտասպած էր . ահաւասիկ պատ-  
ճէնը . — «Վանայ գաւառէն բնիկ Արջակ  
գիւղի , Սամուէլեան Յովսէփ անուն ազ-  
գային մը ամուսնացեալ , 1863ին հայրե-  
նիքէն Կ. Պոլս գալով տարի մը վերջը  
անցայտացած է և չգիտցուիր թէ ո՞ւր  
է , ո՞վ է թէ մեռած : Յիշեալ ազգայինն  
այժմ ՅՇ արեկան , միջահասակ , գէմքը  
բարեձեւ և պիսակաւոր , խաժակին և  
յօնքերն ու ընչացքն գորշագոյն են : Կը  
յանձնարարուի արգոյ աղգաւնոցս որ ե-  
թէ երբէք յիշեալին ո՞ւր , ողջ կամ մեռած  
լինելուն մասին ունին տեղեկութիւն ,  
բարեհաձին իմաց տալ Ազգ . Պատրիար-  
քարանին ի գիտութիւն» : Տիկինը անմի-  
ջապէս կանչեց Յովսէփը , ցոյց տուաւ-  
նրա Պատրիարքարանի շրջաբերականը .  
Յովսէփ ամօթէն երկու ձեռօքը դոցեց

աչքերը ու սկսաւ արցունք թափել ասի  
հարուած մ'էր իրեն, վասն զի նա խա-  
բած էր իւր տէրը թէ ամուսնացեալ չէ:  
Անմիջապէս Պր. Գրիգոր Արծրունեոյ  
(Մշակ լրագրոյ խմբագիր) խմաց տրուե-  
ցաւ. նա ալ անմիջապէս գրեց կ. Պօլսոյ  
Ազգ. Պատրիարքարանի թէ այդ անձը  
կը գտնուի Տփոխ և թէ քիչ օրէն պիտի  
խրկուի իւր հայրենիքը. Պատրիարքարա-  
նէն ալ գրուեցաւ Վանայ Առաջնորդին  
և անկէ ալ Արջակ գիւղ:

Ոռուսո-թրքական պատերազմը վերջա-  
նալու վրայ էր այդ միջոցին. զօրապետ  
Շոլկովնիկեան փառաւոր յաղթութիւննե-  
րէ յետոյ Էրզրումի առջեւ Հասան Խալախ  
մէջ ժանատանդէ բռնուելով վախճանած  
էր. Տիկին Շոլկովնիկեան իւր զինուո-  
րական եղբօր Միքայէլ Միհանա-  
րեանցին պատմեց Յովսէփի մասին, ցոյց  
առաջ Մշակ լրագիրն: Նա հրամայեց  
Յովսէփի որ առանց յապաղելու ձամբայ  
ելնէ հայրենիք: Յովսէփ խոստացաւ և  
սկսաւ պատրաստութիւն տեսնել. բայց  
յանկարծ մտարեկեց նա իւր հաւատարիմ  
բարեկամ Պետրոսը որուն վրայ տեղե-

կութիւն մը չունէր: Մատակարար Ոռու-  
թինօֆի յանձնարարութեամբ մի նամակ  
ուղարկեց Ախալցիսայի աւագերէցին, հինգ  
օր վերջը Ոռութինօֆ ընդունեց պատաս-  
խան Պետրոսի մասին: Պետրոս Ախալցիսա  
հասնելով յաջողած էր կաջի գործարան  
մը մտնել աշխատելու. բայց այս նամակ  
հոն հասնելէն վեց ամիս առաջ յանկարծ  
հիւանդանալով տեղւոյն հիւանդանոցը  
փոխազդրուած և վերջապէս այնտեղ մեռած  
էր. Թշուա՛ռ Պետրոս: Յովսէփ երբ լսեց նրա  
մահուան լուրը, սկսաւ ջերմանչերմ արտա-  
սուք թափել, ալ եւս իւր աչքին ո՛չ հայ-  
րենիք կերեւէր և ո՛չ աշխարհ. նա միայն  
Պետրոսի հաւատարիմ գտնուեցաւ, անոր  
համար աչքերը արտասուք հոսեցին, կար-  
ծեց թէ անտէր միաց ինք աշխարհիս վը-  
րայ, վասն զի քանի քանի անդամներ նա  
իւր կեանքը ազատած էր, կենացը թըշ-  
ուառ մասին մէջ նա օգնած էր իրեն.  
մէկ խօսքով նրա պահապան հրեշտակ  
եղած էր: Ո՛քարեսիրտ Պետրոս, շատ  
ասրիներէ ի վեր արդէն հեռացած էիր  
քու հայրենի երկրէդ, երկար տարիներ

թափառեցար երկրէ երկիր անմիսիթար և  
հալածեալ անձի մը ոլէս . թո՛ղ արքա-  
յութեան մէջ ներուի քու մարդկոյին  
յանցանացդ . թո՛ղ երկնից հրեշտակները  
միսիթարեն զքեզ ու թշուառ ընտանիքդ  
Ամեն մարդ մայր մ'ունի որ է հոգը . ա-  
հա Պետրսս ալ յանձնուեցաւ իւր մօրը :  
Թո՛ղ անման լինի նրա յիշատակը :

Յովլոէփ յուսահամեալ ճամբայ ելաւ  
իւր սեւ մօրուքի մէջ սկսէլ էին արդէն  
նշմարուիլ սպիտակ մազեր . իւր մօնա-  
ծութիւնը անդադար սիրտը կը տանչէր  
և կըսէր ինքնիրեն . Խնչ երեսով պիտի  
ներկայանամ ծննդաց , կնոջս և որդւոյս  
ի՞նչպէս պիտի ցուցնեմ իմ ամօթալի և  
կնձուտ ճակատս . ես արժանի չեմ այդ  
ազիւ մարդոց մէջ մօնելու . իմ անցեա-  
լը տիւուրէ , իսկ ներկաց կեանքս ալ  
սիստ լինի անցեալի շարունակութիւնն .  
երանի թէ աւելի ծանր գժբաղդութեան  
չենթարկուիմ . Ահա այսպիսի երեւակա-  
յութիւններով մաշարեալ ցուօք ձեռքն,  
ուզեւորի պարկը ուսն , ճանապարհոր-  
դել յետոյ հասու Արջակ գիւղը ուր մը-  
տաւ գանդաղ և յամր քայլերով : Նա

փողոցէ փողոց թափառելէ յետոյ , մեծ  
գժուարութեամբ գտաւ իւր հայրենի  
խրձիթը , վասն զի 17 տարի բացակայ  
ըլլալուն պատճառաւ յիշողութենէն ելած-  
էր , Դողդղալով մօտեցաւ խրձիթի դրան ,  
տեսաւ որ օտար ընտանիքներ կը բնա-  
կէին այնտեղ . ոչ ոք ճանաչեց զինքը . ե-  
րիտասարդ կանայք կը փախչէին անկէ ,  
կարծելով թէ օտարական մ'է նա . երկար  
ատեն անշարժ մնաց դրանը մէջ ուր քիչ  
մը վերջը մի աւելոր անձ երեւցաւ : Յով-  
լոէփի հարցուց իւր ծննդաց մասին . ծե-  
րունին անմիջապէս գտաւ Երանիկը .  
Յովլոէփ ներկայացաւ անոր վայրենի հե-  
րսուի նման , իսկ Երանիկ անկէ աւելի  
թշուառացած էր . խեղճ կնոջ երեսի  
գոյնը անօթութենէն դեղնած , գալիա-  
ցած , մագաղաթի գոյն էր ստացել . նրա  
մազերուն մէջ ալ կը տեսնուէին ձերմո-  
կի հետքեր և առհասարակ ամբողջ կեր-  
պարանիքն մէջ կը փայէր մի տռանձին  
վսեմութիւն . նա ուրախալի զարմանքով  
գրկեց Յովլոէփ , ուրախութեան արցուն-  
քի հետ գժբաղդութեան ժպիտ մը փայ-  
լցաւ նրա գալիահար դէմքի վրայ . Վաշ-  
իսառու Հայոց կողմանէ Յովլոէփի խրձիթը

գրաւուելէ յետոյ , հայրը գիւղին ծայրը շինած էր մի փաքրիկ սենեակ . այդ չեղը աւելի ախոռի կը նմանէր քան թէ սենեկի : Յովսէփ հարցուց Երանիկի թէ սուր են ծնողքը . Երանիկ նոցա մահուան գոյժը տուաւ : — Խոկ որդի՞ս , յարեց Յովսէփ : — Այն ալ երեք ամիս առաջ ճամբայ ելաւ քեզ գտնելու համար . մինչեւ ցարդ նամակ առած չեմ , չեմ գիտեր թէ ո՞ւր է . բայց Վահրամ իւր մօրը հաւատարիմ է , նա երբէք անմիմիթար չթողուր զիս . նրա գողարիկ սիրաը պաշտելի է : Բայց կը խաբուէր Երանիկ , վասնզի հայրըն ինչ , որդին նմին նման :

Աղջակցիք իմանալով Յովսէփի գալուստըն , հետզհետէ սկսան այցելէ . այդ խեղձերն ալ ունէին պանդխտութեան մէջ երկար տարիներ տառապոլ իրենց սիրելիներն . մին կը հարցնէր իւր որդին , միւս մը իր այրը , երրորդ մը իր եղբայրը . Յովսէփ անդոհացուցիչ պատասխաններ կուտար վասն զի նա կ . Պօլսէ բաժնուած էր շատ տարիներ առաջ : Երբ երիտասարդ կանայք այն անդոհացուցիչ լուրերը կառնէին իրենց ամսւսիններու

վրայօք , նոցա դէմքի խորշոմներուն մէջէն արտասուաց հեղեղներ կը թաւալէին . ուրախութեամբ կը մտնէին կիսակործան խրձիթի դռնէն և տրտմութեամբ դուրս կենէին . կարծես թէ սիրելեաց մահուան գոյժը առած էին :

## Ժ

Այժմ դառնանք Վահրամի (Յովսէփի որդին) վրայ մի տեղեկութիւն տալ ընթերցողաց :

Վահրամիւր հօրը պէս մեծ թշուառութիւն կրելէ յետոյ , Պօլս կը հասնի . հայրենակիցներուն կը դիմէ իւր կորուսեալ հօրը վրայ տեղեկութիւն մ'առնելու համար . ամեն անոնք որ կը ճանչէին Յովսէփը , կէտ առ կէտ պատմեցին իւր հօրը անցեալը . պատմեցին նաեւ Սաաֆինազի մասին : Վահրամ երկար ատեն թափառեցաւ Պօլսոյ մէջ , տեսաւ ող անկարելի էր գտնել իւր հայրը , ստիպւեցաւ գործ մը գտնել .

Կիրակի օր մ'էք . Վահրամ իր բարեկամներու առաջնորդութեամբ գնաց բռ-

դոքական Հայոց ժողովարանը որ կը գլու-  
նուի իւսկիւտարու Սէլամից թաղի Ս.  
Խաչ Եկեղեցւոյ ետեւի կողմը ։ Վահրամի  
առաջնորդողները Վասպուրականցի չէին.  
Նոքա Քարքերգէն կը ժամու ձանալարհ  
հեռի գտնուող Հիւսէյինիկ անուն գիւղին  
էին . ամեն կիրակի նոքա կը յաճախէին  
բողոքականաց ժողովարանը ։ Սովորական  
աղօթքէն վերջը , Նիկոմիդիացի Արա-  
պետ Պատուելիի ներկայացուցին Վահ-  
րամը . Պատուելին մեծ համակրութիւն  
ցոյց տուաւ թշուաւ պանդխտին . կար-  
ծես թէ երկար տարիներէ ի վեր կը  
ձանչէր զինքը . անշուշտ այդ համակը-  
րութիւնը զինքը որսալու համար էր +  
Պատուելի Կարապետ միջահասակ , սե-  
ւադէմ , մօրուսաւոր , 35—36 տարեկան  
մի անձ է . աջ կողմի այտին փրայ ունի  
կլորիկ երկու հաստ մազոտ սեւ նշաններ :  
Զինքը ձանչէլ ուզողներուն դիւրութեան  
համար կը գնեմ այսաւշ իւր նկարագը-  
րութիւն : Երբ իւսկիւտարի փողոցներուն  
մէջ հանդիպիս այս նկարագրած անձիս ,  
գիտցիր որ Պատուելի Կարապետն է . նա  
երկայն բարտըսիր մը հագած է , գլուխը

դրած է համբական նորնագոյն ֆէս մը .  
իւր գէմքէն աւելի աճեւ են իւր կօշիկ-  
ները որոնք 45 հարիւրոդամեթրի չափ  
երկաւնութիւն ունին . մազերն ուսերուն  
վրայ կը ծածանին և բարերարի մը կսպա-  
սեն որ սանտրուինն Մտաւորական աշխա-  
տութիւնն ստիպած է զինքը գլուխը ծը-  
ռելու որով միշտ գետինը կը նոյի թէն  
բարձր նիւթերու վրայ կը խորհի գրեթէ  
միշտ ձեռքն ունի կապուագոյն հովանոց  
մը զոր անձրեւի ատեն չը բանար որպէս  
զի չը թրջի հովանոցը . աջ թեւին տակը  
միշտ ունի ոսկեզօծ Աւետարան մը . կար-  
ծես թէ իւր մարմնոյն անբաժանելի մէկ  
մասն է այն . երկայն բարտըսիրն գրափ  
գրապաններէն կը տեսնուին ամեն լեզուէ  
լրագիրներ , թուղթեր և գիրքեր զօրա  
այնչափ տարիներէ ի վեր կը կարգայ և  
չի կրնար լմացնել . . . : Իր գէմք ենալ-  
ներուն խորհրդաւոր ժպիտներ կը նուի-  
րէ . այդ ժպիտներէ մարդ կարող է հաս-  
կընալ թէ Պատուելի Կարապետ ի՞նչ  
ըսել կուզէ ըսել կուզէ թէ «Եկէք գուք  
ալ միացէք Աւետարանական Սուրբ ժո-  
ղովորեան որ երջանիկ ըլլաք ու երկնից

արքայութիւնը վայելէք :» Այս Պատուելուն բաւական համարում ստացած է Պօլսոյ մէջ, մանաւանդ ռամփիկ մասին մէջ. ինքզինքը պուէտ յորջորջած է վասն զի նա կը կարգայ միշտ Հոմերոս, Վիրգիլոս, Ովիտոս, և այն ամեն քերթողներն որոնց անունները ՈՅ կը վերջանան :

Վահրամ անմիջապէս սպասաւորութեան պաշտօնի կոչուեցաւ Հ... դպրոցին մէջ 8 մէճիստ ամսականով։ Վարժարանի տեսուչն էր Պատուելի կարապետ. Վահրամի ընելիք գործը ցոյց տալէ տառջ, նայանձնեց Վահրամի մի Աւետարան, մի Աստուածունչ և մի Երգարան ու ըստա անոր. — Ահա քեզ ասպարէզ իմաստութեան և ձմարիտ Քրիստոնէութեան։ Վահրամ կարծեց որ Հ... դպրոցին մէջ իրեւ աշակերտ կընդունուէր և ոչ թէ թոշակաւոր ծառայ։ Վահրամ իր շահուն համար առերեսս ընդունած էր բողոքականութիւնը. Ժամանակին իւր ամսականը կընդունէր. մէկ տարուան մէջ 15 ոսկիի չափ դրամ տւելցնելով խրկած էր իւր մօրը :

Պատուելի կարապետ իր տանը մէջ ունէր 16 տարեկան որբ աղջիկ մը. բոլոր ընտանեկան գործերը նա կը կարգադրուէր։ Վահրամ ամեն անդամ կը տեսնը ուէր ալդ աղջկան հետ, վասն զի Պատուելի բնակութիւնը Հ... դպրոցին մէջ էր։ Վահրամ օր մը բացարձակապէս իւմաց տուաւ սպասուհետոյն թէ ինքը սիրահարած էր. սպասուհին այս խօսքը երբ լսեց, ալ Վահրամի օձիքը չթողուց. անկից յետոյ սկսան ամեն կիրակի երեկույեան աղօթքէն վերջը շրջադպյութեան ելնել դէսի հճատլյէի կողմերը։ Յարգեւի կարապետ տեսնելով իւր սպասաւորաց սիրահարութիւնը, առաջարկեց նոցա որ ամուսնանան. Վահրամ ընդունեց այս սուածարկը սա պայմանով որ ամուսնանալէ վերջը իւր կնոջ հետ պիտի վերադառնայ հայրենիք. աղջիկն ալ փոխագարձարար ընդունեց այս սուածարկը։ Մի քանի օր վերջը ժողովարանի մէջ կատարուեցաւ նշանիսութիւնն ի ներկայութեան բազմաթիւ բոլոքականաց։ Անկից յետոյ Վահրամ սկսաւ հարսանեաց պատրաստութիւն տեսնել. մէկ կողմէն

Պատուելի կարապետի կինը իւր գործածուած շրջազգեսաները կը նուրիէր աղջկան իբրեւ օժիտ, միւս կողմէն Պատ. Կարապետ իր հնամաշ զգեստները կուտար վահրամի :

Հինդշաբթի երեկոյ մ'էր . ժողովարանին մէջ ծանուցում եղաւ թէ կիրակի օր Վահրամի հարսանեկան հանդէսը պիտի կատարուի և կը խնդրուի որ բարեպաշտ ժողովուրդն ալ ներկայ գտնուի . ամենուն դէմքին վրայ երեւաց մի շնորհակալութեան ժպիտ : Վահրամ ալ անհաւատարիմ գտնուեցաւ իւր հօրը նման . նա երբէք իմաց չուուաւ մօրը որ պիտի ամուսնանայ . ապերախտ զաւակ. միթէ՞ չբաւեց երկար աարիներ քու մօրդ կրած թշուառութիւնը Յովսէփի համար : Ամենինչ պատրաստ էր . եկաւ հասաւ այն օրը որ պիտի պատկուէին . ցերեկուան ձաշի հրաւիրուեցան մի քանի երեւելի բողոքականներ . երեկոյին պսակի արարողութիւնը կատարեց Պատ. Կարապետ : Այս հանդէսը աւելի կը նմանէր պարզ խընջոյքի մը քան թէ հարսանեաց հանդիսի. երբեմն ատենարանութիւններ կընէին ,


երբեմն ալ տէրունական երգեցողութիւն. այսպէս վերջացնելով հանդէսը, հիւրերը մեկնեցան : Սա ալ պէտք է յիշել թէ եղած այլ և այլ ծախքերը Պօրտ ընկերութեան սնտուկին կը վերաբէրէին :


Քիչ մը վերջը նորասլակք մտան իրենց առագաստը :

Յատուկ սենեակ մը տուած էին աղջկան կարասեօք միտուեղ . Վահրամ սենեկին մէջ հայելի մը բոլորտիքը զարդարեալ պատկերները ոկաւ աչքէ անցունել . յանկարծ իւր աչքին երեւաց մի լուսանկար պատկեր թաւիշեայ փոքրիկ շրջանակի մը մէջ զետեղուած : Վահրամ հարցուց իւր ընկերուհոյն թէ այդ կենդանագիրը ո՞ւրիէ ձեռք անցուցած է : Ահ, պատասխանեց աղջիկը հառաչելով . ատի իմ կորուսեալ հօրս պատկերն է : Վահրամ վայրկեան մը կանդ առաւ, կարծես թէ կայծակնահար եղած էր . յետոյ շարունակեց զարմացմամբ . Ուրեմն եթէ այդ լուսանկար պատկերը քու հայրդ է, ես ալ քու եղբայրդ եմ : Ինչ սարսափելի և անակնկալ դիպուած. անշաւշտ կը գուշակես, ընթերցո՞ղ, որ Վահրամի կնութեան

առած աղջիկը նոյն ինքն Սէլիմէն էր :  
 Երբ նա հազիւ տասը տարեկան եղած էր,  
 Մարիամ մեռած և նրա մի բողոքական  
 դրացւոյն միջոցաւ Նազենիկը յանձնուած  
 էր Պատուելի Կարապետի խնամակալու-  
 թեան . իսկ այդ պատկերը Յովսէփի աը-  
 ուած էր Մարիամի իւր վերջին տեսակ-  
 ցութեան ժամանակ . Մարիամի մեռնե-  
 լին յետոյ ալ Նազենիկ առնելով Յովսէփի  
 կենդանագիրը կը պահէր . եթէ աշխար-  
 հի վրայ ունէր մի նուիրական բան , այն  
 իւր հօրը պատկերն էր զոր կը յուսար օր  
 մը գտնել . բայց գիտուածը այնպէս բե-  
 րաւ որ փոխանակ հայրը գտնելու , գտաւ  
 նա իւր եղբայրը որ իրեն ամուսին ա-  
 ռած էր :

Հետեւեալ առաւօտուն Վահրամ ա-  
 ռանց իմացնելու Նազենիկի , մեկնեցաւ :  
 շատ ամիսներ սպասեց Նազենիկ որ գտո-  
 նայ Վահրամ բայց նա յաջողած էր փախ-  
 չիւ հայրենիք . Վահրամ գտաւ այնտեղ  
 իւր հայրը և մայրը : Իսկ անկից յետոյ  
 ի՞նչ եղաւ Նազենիկ . ընթերցողը թերևս  
 մի օր իմանայ այդ մի ուրիշ գրքի մէջ :





«Ազգային գրադարան



NL0246458

